

摛藻堂四庫全書薈要

史部

欽定四庫全書叢要

史部

唐書卷三十五

六

詳校官編修臣王天祿



欽定四庫全書

唐書卷三十五

史部

宋 翰 林 學 士 歐 陽 修 撰

第二十五

五行志

五行傳曰治宮室飾臺榭內淫亂犯親戚侮父兄則稼穡不成謂土失其性則有水旱之災草木百穀不熟也又曰思心不睿是謂不聖厥咎霑厥罰常風厥極凶短

折時則有脂夜之妖時則有華孽羸蟲之孽時則有牛  
禍時則有心腹之痾時則有黃眚黃祥時則有木火金  
水沴土稼穡不成貞觀元年關內饑總章二年諸州四  
十餘饑關中尤甚儀鳳四年春東都饑調露元年秋關  
中饑永隆元年冬東都饑永淳元年關中及山南州二  
十六饑京師人相食垂拱三年天下饑大足元年春河  
南諸州饑景龍二年春饑三年三月饑先天二年冬京  
師岐隴幽州饑開元十六年河北饑乾元三年春饑米

斗錢千五百廣德二年秋關輔饑米斗千錢永泰元年  
饑京師米斗千錢貞元元年春大饑東都河南河北米  
斗千錢死者相枕二年五月麥將登而雨霖米斗千錢  
十四年京師及河南饑十九年秋關輔饑元和七年春  
饑八年廣州饑九年春關內饑十一年東都陳許州饑  
長慶二年江淮饑太和四年河北及太原饑六年春劖  
南饑九年春饑河北尤甚開成四年溫台明等州饑大  
中五年冬湖南饑六年夏淮南饑海陵高郵民於官河

中漉得異米號聖米九年秋淮南饑咸通三年夏淮南  
河南饑九年秋江左及閩內饑東都尤甚乾符三年春  
京師饑中和二年關內大饑四年關內大饑人相食光  
啓二年二月荆襄大饑米斗三千錢人相食三年揚州  
大饑米斗萬錢大順二年春淮南大饑天祐元年十月  
京師大饑常風武德二年十二月壬子大風拔木易巽  
為風重巽以申命其及物也象人君誥命其鼓動於天  
地間有時飛沙揚塵怒也發屋拔木者怒甚也其占大

臣專恣而氣盛衆逆同志君行蒙暗施於事則皆傷害  
故常風又飄風入宮闈一日再三若風聲如雷觸地而  
起為兵將興貞觀十四年六月乙酉大風拔木咸亨四  
年八月己酉大風落太廟鵠尾永隆二年七月雍州大  
風害稼弘道元年十二月壬午晦宋州大風拔木嗣聖  
元年四月丁巳寧州大風拔木垂拱四年十月辛亥大  
風拔木永昌二年五月丁亥大風拔木神龍元年三月  
乙酉睦州大風拔木崔玄暉封博陵郡王也大風折其

輅蓋二年六月乙亥滑州大風拔木景龍元年七月柳  
州大風發屋拔木八月宋州大風拔木壞廬舍二年十  
月辛亥滑州暴風發屋三年三月辛未曹州大風拔木  
開元二年六月京師大風發屋大木拔者十七八年  
六月辛未京師陝華大風拔木九年七月丙辰揚州潤  
州暴風雨發屋拔木十四年六月戊午大風拔木發屋  
端門鵠尾盡落端門號令所從出也十九年六月乙酉  
大風拔木二十二年五月戊子大風拔木天寶十一載

五月甲子東京大風拔木十三載三月辛酉大風拔木  
永泰元年三月辛亥大風拔木大歷七年五月乙酉大  
風拔木十年五月甲寅大風拔木貞元元年七月庚子  
大風拔木六年四月甲申大風雨八年五月己未暴風  
發太廟屋瓦毀門闕官署廬舍不可勝紀十年六月辛  
未大風拔木十四年八月癸未廣州大風壞屋覆舟元  
和元年六月丙申大風拔木三年四月壬申大風毀舍  
元殿欄檻二十七間占為兵起四年十月壬午天有氣

如煙臭如燔皮日昧大風而止五年三月丙子大風毀崇陵上宮倚殿鵠尾及神門戟竿六壞行垣四十間八年六月庚寅京師大風雨毀屋飄瓦人多壓死者丙申富平大風拔棗木千餘株十二年春青州一夕暴風自西北天地晦冥空中有若旌旗狀屋瓦上如躁蹀聲有日者占之曰不及五年茲地當大殺戮長慶二年正月己酉大風霾十月夏州大風飛沙為堆高及城堞三年正月丁巳朔大風昏霾終日四年六月庚寅大風毀延

喜門及景風門太和八年六月癸未暴風壞長安縣署  
及經行寺塔九年四月辛丑大風拔木萬株墮舍元殿  
四鵠尾拔殿廷樹三壞金吾仗舍發城門樓觀內外三  
十餘所光化門西城十數雉壞開成三年正月戊辰大  
風拔木五年四月甲子大風拔木五月壬寅亦如之七  
月戊寅亦如之會昌元年三月黔南大風飄瓦咸通六  
年正月絳州大風拔木有十圍者十一月己卯晦潼關  
夜中大風山如吼雷河噴石鳴羣鳥亂飛重關傾側十

二月大風拔木乾符五年五月丁酉大風拔木廣明元年四月甲申京師及東都汝州雨雹大風拔木四年六月乙巳太原大風雨拔木千株害稼百里光化三年七月乙丑洛州大風拔木發屋天復二年昇州大風發屋飛大木夜妖太和九年十一月戊辰晝晦咸通七年九月辛卯朔天闇乾符二年二月宣武境內黑風雨土天祐元年閏四月乙未朔大風雨土華孽延載元年九月內出梨華一枝示宰相萬木搖落而生華陰陽蹟也傳

曰天反時為災又近常燠也神龍二年十月陳州李有  
華鮮茂如春元和十一年十二月桃杏華太和二年九  
月徐州滑州李有華實可食會昌三年冬沁源桃李華  
廣明元年冬桃李華山華皆發中和二年九月太原諸  
山桃杏華有實景福中滄州城塹中冰有文如畫大樹  
華葉芬敷者時人以為其地當有兵難近華孽也羸蟲  
之孽貞觀二十一年八月萊州螟開元二十二年八月  
榆開野螢害稼入平州界有羣雀來食之一日而盡

二十六年榆關野虧蟲害稼羣雀來食之三載青州紫  
蟲食田有鳥食之廣德元年秋野虧蟲害稼關中尤甚  
米斗千錢貞元十年四月江西溪澗魚頭皆戴蚯蚓長  
慶四年絳州野虧蟲害稼太和元年秋河東同虢等州  
野虧蟲害稼開成元年京城有蟻聚長五六十步澗五  
尺至一丈厚五寸至一尺者四年河南黑蟲食田牛禍  
調露元年春牛大疫京房易傳曰牛少者穀不成又占  
曰金革動長安中有獻牛無前膊三足而行者又有牛

膊上生數足蹄甲皆具者武太后從姊之子司農卿宗  
晉卿家牛生三角神龍元年春牛疫二年冬牛大疫先  
天初洛陽市有牛左脇有人手長一尺或牽之以乞丐  
開元十五年春河北牛大疫大歷八年武功櫟陽民家  
牛生犢二首貞元二年牛疫四年二月郊牛生犢六足  
足多者下不一郊所以奉天七年關輔牛大疫死者十  
五六咸通七年荊州民家牛生犢五足十五年夏渝州  
江陽有水牛生驃駒駒死光啟元年河東有牛人言其

家殺而食之二年延州膚施有牛死復生黃青黃祥貞  
觀七年三月丁卯雨土二十年閏三月己酉有黃雲濶  
一丈東西際天黃為土功永徽三年三月辛巳雨土景  
龍元年六月庚午陝州雨土十二月丁丑雨土天寶十  
三載二月丁丑雨黃土大歷七年十二月丙寅雨土貞  
元二年四月甲戌雨土八年二月庚子雨土太和八年  
十月甲子土霧晝昏至于十一月癸丑開成元年七月  
乙亥雨土咸通十四年三月癸巳雨黃土中和二年五

月辛酉大風雨土天復三年二月雨土天地昏霾天祐  
元年閏四月甲辰大風雨土木火金水沴土武德二年  
十月乙未京師地震陰盛而反常則地震故其占為臣  
彊為后妃專恣為夷犯華為小人道長為寇至為叛臣  
七年七月雋州地震山摧壅江水噎流貞觀七年十月  
乙丑京師地震十二年正月壬寅松叢二州地震壞廬  
舍二十年九月辛亥靈州地震有聲如雷二十三年八  
月癸酉朔河東地震晉州尤甚壓殺五十餘人乙亥又

震十一月乙丑又震永徽元年四月己巳朔晉州地震  
己卯又震六月庚辰又震有聲如雷二年十月又震十  
一月戊寅定襄地震帝始封晉王初即位而地屢震天  
下將由帝而動搖象也儀鳳二年正月庚辰京師地震  
永淳元年十月甲子京師地震垂拱三年七月乙亥京  
師地震四年七月戊午又震八月戊戌神都地震延載  
元年四月壬戌常州地震大足元年七月乙亥揚楚常  
潤蘇五州地震二年八月辛亥陝南六州地震景龍四

年五月丁丑朔縣地震景雲三年正月甲戌并汾絳三  
州地震壞廬舍壓死百餘人開元二十二年二月壬寅  
秦州地震西北隱隱有聲拆而復合經時不止壞廬舍  
殆盡壓死四千餘人二十六年三月癸巳京師地震至  
德元載十一月辛亥朔河西地震裂有聲陷廬舍張掖  
酒泉尤甚至二載三月癸亥乃止大歷二年十一月壬  
申京師地震自東北來其聲如雷者三年五月丙戌又  
震十二年恒定二州地大震三日乃止東鹿寧晉地裂

數丈沙石隨水流出平地壞廬舍壓死者數百人建中  
元年四月己亥京師地震三年六月甲子又震四年四  
月甲子又震五月辛巳又震貞元二年五月己酉又震  
三年十一月丁丑夜京師東都蒲陝地震四年正月庚  
戌朔夜京師地震辛亥壬子丁卯戊辰庚午癸酉甲戌  
己亥皆震金房二州尤甚江溢山裂屋宇多壞人皆露  
處二月壬午京師又震甲申乙酉丙申三月甲寅巳未  
庚午辛未五月丙寅丁卯皆震八月甲午又震有聲如

雷甲辰又震九年四月辛酉又震有聲如雷河中關輔  
尤甚壞城壁廬舍地裂水涌十年四月戊申京師地震  
癸丑又震侍中渾瑊第有樹湧出樹枝皆戴蚯蚓十三  
年七月乙未又震元和七年八月京師地震草樹皆搖  
九年三月丙辰嵩州地震晝夜八十壓死百餘人地陷  
者三十里十年十月京師地震十一年二月丁丑又震  
十五年正月穆宗即位戊辰始朝羣臣於宣政殿是夜  
地震太和二年正月壬申地震七年六月甲戌又震九

年三月乙卯京師地震屋瓦皆墜戶牖間有聲開成元  
年二月乙亥又震二年十一月乙丑夜又震四年十一  
月甲戌又震會昌二年正月癸亥宋亳二州地震十二  
月癸未京師地震大中三年十月辛巳上都及振武河  
西天德靈武鹽夏等州地震壞廬舍壓死數十人十二  
年八月丁巳太原地震咸通元年五月上都地震六年  
十二月晉絳二州地震壞廬舍地裂泉湧泥出青色八  
年正月丁未河中晉絳三州地大震壞廬舍人有死者

十三年四月庚子朔浙東西地震乾符三年六月乙丑  
雄州地震至七月辛巳止州城廬舍盡壞地陷水涌傷  
死甚衆是月濮州地震十二月京師地震有聲四年六  
月庚寅雄州地震六年二月京師地震有聲如雷藍田  
山裂水湧中和三年秋晉州地震有聲如雷光啟二年  
春成都地震月中數十占曰兵饑十二月魏州地震乾  
寧二年三月庚午河東地震山摧貞觀八年七月隴右  
山摧山者高峻自上而墮之象也垂拱二年九月己巳

雍州新豐縣露臺鄉大風雨震電有山湧出高二十丈  
有池周三百畝池中有龍鳳之形禾麥之異武后以為  
休應名曰慶山荊州人俞文俊上言天氣不和而寒暑  
隔人氣不和而贅疣生地氣不和而堆阜出今陛下以  
女主居陽位反易剛柔故地氣隔塞山變為災陛下以  
為慶山臣以為非慶也宜側身修德以答天譴不然恐  
災禍至后怒流于嶺南永昌中華州赤水南岸大山晝  
日忽風昏有聲隱隱如雷頃之漸移東數百步擁赤水

壓張村民三十餘家山高二百餘丈水深三十丈坡上  
草木宛然金縢曰山徙者人君不用道祿去公室賞罰  
不由君佞人執政政在女主不出五年有走王開元十  
七年四月乙亥大風震電藍田山摧裂百餘步畿內山  
也國主山川山摧川竭亡之證也占曰人君德消政易  
則然大歷九年十一月戊戌同州夏陽有山徙于河上  
聲如雷十三年郴州黃岑山摧壓死者數百人建中二  
年霍山裂元和八年五月丁丑大隗山摧十五年七月

丁未苑中土山摧壓死二十人光啟三年四月維州山崩累日不止塵坌亘天壅江水逆流占曰國破山鳴武德二年三月太行山聖人崖有聲占曰有寇至開元二十八年六月吐蕃圍安戎城斷水路城東山鳴石坼湧泉二土為變怪垂拱元年九月淮南地生毛或白或蒼長者尺餘遍居人牀下揚州尤甚大如馬鬚焚之臭如燎毛占曰兵起民不安長壽中東都天宮寺泥像皆流汗霖霖天寶十一載六月虢州閨鄉黃河中女媧墓因

大雨晦冥失其所在至乾元二年六月乙未夜瀕河人聞有風雷聲曉見其墓湧出下有巨石上有雙柳各長丈餘時號風陵堆占曰塚墓自移天下破十三載汝州葉縣南有土塊鬪中有血出數日不止大歷六年四月戊寅藍田西原地陷建中初魏州魏縣西四十里地數畝忽長崇數尺四年四月甲子京師地生毛或黃或白有長尺餘者貞元四年四月淮南及河南地生毛元和十二年四月吳元濟郾城守將鄧懷金以城降城自壞

五十餘步太和六年二月蘇州地震生白毛長慶中新  
都大道觀泥人生須數寸拔之復生成通五年十月貞  
陵隧道摧陷神策軍有浮屠像懿宗嘗跪禮之像沒地  
四尺

五行傳曰好攻戰輕百姓飾城郭侵邊境則金不從革  
謂金失其性而為變怪也又曰言之不從是謂不乂厥  
咎僭厥罰常暘厥極憂時則有詩妖訛言時則有毛蟲  
之孽時則有犬禍時則有口舌之病時則有白眚白祥

惟木沴金金不從革堯君素為隋守蒲州兵鼈夜皆有  
光如火火燦金金所畏也敗亡之象劉武周據并州兵  
勢甚盛城上稍刃夜每有火光貞觀十七年八月涼州  
昌松縣鴻池谷有石五青質白文成字曰高皇海出多  
子李元王八十年太平天子李世民千年太子李治書  
燕山人士樂大國主尚汪譚獎文仁邁千古大王五王  
六王七王十風毛才子七佛八菩薩及上界佛天天子  
文武貞觀昌大聖延四方上不治示孝仙戈八為善太

宗遣使祭之曰天有成命表瑞貞石文字昭然歷數惟  
永既旌高廟之業又錫眇身之祚迨于皇太子治亦降  
貞符具紀姓氏甫惟寡薄彌增寅懼昔魏以土德代漢  
涼州石有文石金類以五勝推之故時人謂為魏氏之  
妖而晉室之瑞唐亦土德王石有文事頗相類然其文  
初不可曉而後人因推已事以驗之蓋武氏革命自以  
為金德王其佛菩薩者慈氏金輪之號也樂太國主則  
鎮國太平公主安樂公主皆以女亂國其五王六王七

王者唐世十八之數垂拱三年七月魏州地出鐵如船  
數十丈廣州雨金金位正秋為刑為兵占曰人君多殺  
無辜一年兵災于朝開元二十三年十二月乙巳龍池  
聖德頌石自鳴其音清遠如鍾磬石與金同類春秋傳  
怨謳動于民則有非言之物言石鳴近石言也天寶十  
載六月乙亥大同殿前鍾自鳴占曰庶雄為亂至德二  
載昭陵石馬汗出昔周武帝之克晉州也齊有石像汗  
流濕地此其類也乾元二年七月乙亥晝渾天儀有液

如汗下流上元二年楚州獻寶玉十三曰玄黃天符形  
如笏長八寸有孔云辟兵疫曰玉雞毛白玉也曰穀璧  
亦白玉也粟粒自然無雕鎬迹曰西王母白環二曰如  
意寶珠大如雞卵曰紅靺鞨大如巨粟曰琅玕珠二形  
如玉環四分缺一曰玉印大如半手理如鹿陷入印中  
曰皇后採桑鉤如箸屈其末曰雷公石斧無孔其一闕  
凡十三寘之日中白氣連天元和中文水武士穀碑失  
其龜頭翰林院有鈴夜中文書入則引之以代傳呼長

慶中河北用兵夜輒自鳴與軍中息耗相應聲急則軍事急聲緩則軍事緩資州有石方丈走行數畝大和三年南蠻圍成都毀玉晨殿為礪有吼聲三乃止四年五月己卯通化南北二門鏁不可開鑰入如有持之者破其管門乃啟又浙西觀察使王璠治潤州城隍中得方石有刻文曰山有石石有玉玉有瑕瑕即休廣明元年華岳廟玄宗御製碑隱隱然有聲聞數里間浹旬乃止近石言也光化三年冬武德殿前鍾聲忽嘶戛天復元

年九月聲又變小常暘武德三年夏旱至于八月乃雨四年自春不雨至于七月雨少陰之氣其氣毀則不雨少陰者金也金為刑為兵刑不韋兵不戢則金氣毀故常為旱火為盛陽陽氣彊悍故聖人制禮以節之禮失則僭而驕炕以導盛陽火勝則金衰故亦旱於五行土實制水土功興則水氣壅閼又常為旱天官有東井主水事天漢天江亦水祥也水與火仇而受制于土土火謫見若日蝕過分而未至與七曜循中道之南皆旱祥

也七年秋關內河東旱貞觀元年夏山東大旱二年春  
旱三年春夏旱四年春旱自太上皇傳位至此而比年  
水旱九年秋劍南閩東州二十四旱十二年吳楚巴蜀  
州二十六旱冬不雨至于明年五月十七年春夏旱二  
十一年秋陝絳蒲夔等州旱二十二年秋開萬等州旱  
冬不雨至于明年三月永徽元年京畿雍同絳等州大  
旱二年九月不雨至于明年二月四年夏秋旱光婺滁  
潁等州尤甚顯慶五年春河北州二十二旱總章元年

京師及山東江淮大旱二年七月劖南州十九旱冬無  
雪咸亨元年春旱秋復大旱儀鳳二年夏河南河北旱  
三年四月旱永隆二年關中旱霜大饑永淳元年關中  
大旱饑二年夏河南河北旱永昌元年三月旱神功元  
年黃隋等州旱久視元年夏關內河東旱長安二年春  
不雨至于六月三年冬無雪至于明年二月神龍二年  
冬不雨至于明年五月京師山東河北河南旱饑太極  
元年春旱七月復旱開元二年春大旱十二年七月河

東河北旱帝親禱雨宮中設壇席暴立三日九月蒲同  
等州旱十四年秋諸道州十五旱十五年諸道州十七  
旱十六年東都河南宋亳等州旱二十四年夏旱永泰  
元年春夏旱二年閹內大旱自三月不雨至于六月大  
歷六年春旱至于八月建中三年自五月不雨至于七  
月興元元年冬大旱貞元元年春旱無麥苗至于八月  
旱甚灞滻將竭井皆無水六年春閩輔大旱無麥苗夏  
淮南浙西福建等道大旱井泉竭人渴且疫死者甚衆

七年揚楚滁壽澧等州旱十四年春旱無麥十五年夏旱十八年夏申光蔡州旱十九年正月不雨至七月甲戌乃雨永貞元年秋江浙淮南江南湖南鄂岳陳許等州二十六旱元和三年淮南江南江西湖南廣南山南東西皆旱四年春夏大旱秋淮南浙江西江東旱七年夏揚潤等州旱八年夏同華二州旱十五年夏旱寶歷元年秋荆南淮南浙江西湖南及宣襄鄂等州旱太和元年夏京畿河中同州旱六年河東河南開輔旱

七年秋大旱八年夏江淮及陝華等州旱九年秋京兆  
河南河中陝華同等州旱開成二年春夏旱四年夏旱  
浙東尤甚會昌五年春旱六年春不雨冬又不雨至明  
年二月大中四年大旱咸通二年秋淮南河南不雨至  
于明年六月九年江淮旱十年夏旱十一年夏旱廣明  
元年春夏大旱中和四年江南大旱饑人相食景福二  
年秋大旱光化三年冬京師旱至于四年春詩妖竇建  
德未敗時有謠曰豆入牛口勢不得久貞觀十四年交

河道行軍大總管侯君集伐高昌先是其國中有童謠曰高昌兵馬如霜雪漢家兵馬如日月日月照霜雪回首自消滅永徽後民歌武媚娘曲調露初京城民謠有側堂堂撓堂堂之言太常丞李嗣真曰側者不正撓者不安自隋以來樂府有堂堂曲再言堂者唐再受命之象永淳九年七月東都大雨人多殍殆先是童謠曰新禾不入箱新麥不入場迨及八九月狗吠空垣牆高宗自調露中欲封嵩山屬突厥叛而止後又欲封以吐蕃

入寇遂停時童謡曰嵩山凡幾層不畏登不得但恐不得登三度徵兵馬傍道打騰騰永徽末里歌有桑條韋也女時韋也樂龍朔中時人飲酒令曰子母相去離連臺拗倒俗謂盃盤為子母又名盤為臺又里歌有突厥鹽永淳後民歌曰楊柳楊柳漫頭駝垂拱後東都有契苾兒歌皆淫豔之詞契苾張易之小字也如意初里歌曰黃麞黃麞草裏藏彎弓射爾傷其後王孝傑敗於黃麞谷神龍以後民謡曰山南烏鵲窠山北金駱駝鎌柯

不鑿孔斧子不施柯山南唐也烏鵲窠者人居寡也山北胡也金駱駝者虜獲而重載也安樂公主於洛州造安樂寺童謠曰可憐安樂寺了了樹頭懸景龍中民謠曰黃犧犢子挽絅斷兩足踏地鞶驟斷城南黃犧犢子韋又有阿緯娘歌時又謠曰可憐聖善寺身著綠毛衣牽來河裏飲踏殺鯉魚兒玄宗在潞州有童謠曰羊頭山北作朝堂天寶中有術士李遐周於玄都觀院廡間為詩曰燕市人皆去函關馬不歸人逢山下鬼環上繫

羅衣而人皆不悟近詩妖也又祿山未反時童謠曰燕  
燕飛上天天上女兒鋪白氈氈上有千錢時幽州又有  
謠曰舊來誇戴竿今日不堪看但看五月裏清水河邊  
見契丹德宗時或為詩曰此水連涇水雙眸血滿川青  
牛逐朱虎方號太平年近詩妖也朱泚未敗前兩月有  
童謠曰一隻筋兩頭朱五六月化為胆元和初童謠曰  
打麥打麥三三三乃轉身曰舞了也天中末京師小兒  
疊布漬水紐之向日謂之曰拔暈咸通七年童謠曰草

青青被嚴霜鵲始後看顛狂十四年成都童謠曰咸通  
癸巳出無所之蛇去馬來道路稍開頭無片瓦地有殘  
灰是歲歲陰在巳明年在午巳蛇也午馬也僖宗時童  
謠曰金色蝦蟆爭努眼翻却曹州天下反乾符六年童  
謠曰八月無霜寒草青將軍騎馬出空城漢家天下西  
巡狩猶向江東更索兵中和初童謠曰黃巢走泰山東  
死在翁家翁訖言貞觀十七年七月民訖言官遣帳帳  
殺人以祭天狗云其來也身衣狗皮鐵爪每於闇中取

人心肝而去於是更相震怖每夜驚擾皆引弓劍自防  
無兵器者剡竹為之郊外不敢獨行太宗惡之令通夜  
開諸坊門宣旨慰諭月餘乃止武后時民飲酒謳歌曲  
終而不盡者謂之族鹽開元二十七年十月改作東都  
明堂訛言官取小兒埋明堂下以為厭勝村野兒童藏  
于山谷都城騷然或言兵至玄宗惡之遣使慰諭久之  
乃止天寶三載二月辛亥有星如月墜于東南墜後有  
聲京師訛言官遣棖棖捕人取肝以祭天狗人頗恐懼

畿內尤甚遣使安諭之與貞觀十七年占同天寶後詩人多為憂苦流寓之思及寄興于江湖僧寺而樂曲亦多以邊地為名有伊州甘州涼州等至其曲遍繁聲皆謂之入破又有胡旋舞本出康居以旋轉便捷為巧時又尚之破者蓋破碎云建中三年秋江淮訛言有毛人食其心人情大恐朱泚既僭號名其舊第曰潛龍宮移內府珍貨以實之占者以為易稱潛龍勿用此敗祥也太和九年京師訛言鄭注為上合金丹生取小兒心肝

密旨捕小兒無筭往往陰相告曰某處失幾兒矣方士言金丹可致神仙蓋誕妄不經之語或信而服之則發熱多死如有所戒云小兒無辜者取其心肝將有殺戮象劉從諫未死時潞州有狂人折腰於市曰石雄七千人至矣從諫捕斬之咸通十四年秋成都訛言有狼母鬼夜入人家民皆恐夜則聚坐或曰某家見鬼眼晃然如燈焰民益懼黃巢未入京師時都人以黃米及黑豆屑蒸食之謂之黃賊打黑賊僖宗時里巷鬪者激怒言

任見右廂天子毛蟲之孽永徽中河源軍有狼三晝入  
軍門射之斃永淳中嵐勝州兔害稼千萬為羣食苗盡  
兔亦不復見開元三年有熊晝入揚州城乾元二年十  
月詔百官上勤政樓觀安西兵赴陝州有狐出于樓上  
獲之大歷四年八月己卯虎入京師長壽坊宰臣元載  
家廟射殺之虎西方之屬威猛吞噬刑戮之象六年八  
月丁丑獲白兔于太極殿之內廊占曰國有憂白喪祥  
也建中三年九月己亥夜虎入宣陽里傷人二詰朝獲

之貞元二年二月乙丑有野鹿至于舍元殿前獲之壬  
申又有鹿至于舍元殿前獲之占曰有大喪四年三月  
癸亥有鹿至京師西市門獲之開成四年四月有麌出  
于太廟獲之犬禍武德三年突厥處羅可汗將入寇夜  
聞犬羣嗥而不見犬武后初酷吏丘神勣家狗生子皆  
無首當項有孔如口晝夜鳴吠俄失所在神功元年安  
國獻兩首犬首多者上不一也天寶十一載李林甫晨  
起盥飾將朝取書囊視之中有物如鼠躍于地即變為

狗壯大雄目張牙視林甫林甫射之中毅然有聲隨箭  
沒貞元七年趙州柏鄉民李崇貞家黃犬乳犢會昌三  
年定州深澤令家狗生角大中初狗生角京房曰執政  
失將害之應又曰君子危陷則狗生角咸通中會稽有  
狗生而不能吠擊之無聲狗職吠以守禦其不能者象  
鎮守者不能禦寇之兆成汭為荊南節度使城中犬皆  
夜吠日者向隱以為城郭將丘墟中和二年秋丹徒狗  
與彘交占曰諸侯有謀害國者白眚白祥調露元年十

一月壬午泰州神亭治北霧開如日初耀有白鹿白狼  
見近白祥也神龍二年四月己亥雨毛于越州之鄖縣  
占曰邪人進賢人遁大歷二年七月甲戌日入時有白  
氣亘天九月戊午夜白霧起西北亘天五年五月甲申  
西北有白氣亘天貞元二十年九月庚辰甲夜有白氣  
入東西際天太和三年八月西方有白氣如柱七年十  
月己酉西方又有白氣如柱者三光啟二年四月有白  
氣頭黑如髮自東南入于揚州滅光化二年三月乙巳

日中有白氣亘天自西南貫于東北天復元年八月己亥西方有白雲如履底中出白氣如匹練長五丈上衝天分為三彗頭下垂占曰天下有兵白者戰祥也木沴金神龍中東都白馬寺鐵像頭無故自落於殿門外天寶五載四月宰臣李適之常列鼎具膳羞中夜鼎躍出相鬪不解鼎耳及足皆折

唐書卷三十五

欽定四庫全書會要卷五千一百六十七

史部

唐書卷三十六

宋 翰 林 學 士 歐 陽 修 撰

志第二十六

五行志

五行傳曰簡宗廟不禱祠廢祭祀逆天時則水不潤下謂水失其性百川逆溢壞鄉邑溺人民而為災也又曰聽之不聰是謂不謀厥咎急厥罰常寒厥極貧時則有

鼓妖時則有魚孽時則有豕禍時則有耳痾時則有雷電  
霜雪雨雹黑眚黑祥惟火沴水水不潤下貞觀三年秋貝  
譙鄆泗沂徐濠蘇隴九州水水太陰之氣也若臣道嶺女  
謁行夷狄彊小人道長嚴刑以逞下民不堪其憂則陰類  
勝其氣應而水至其謫見于天月及辰星與列星之司水  
者為之變若七曜循中道之北皆水祥也四年秋許戴  
集三州水七年八月山東河南州四十大水八年七月  
山東江淮大水十年閩東及淮海旁州二十八大水十

一年七月癸未黃氣際天大雨穀水溢入洛陽宮深四  
尺壞左掖門毀官寺十九洛水漂六百餘家九月丁亥  
河溢壞陝州之河北縣及太原倉毀河陽中潭十六年  
秋徐戴二州大水十八年秋穀襄豫荆徐梓忠縣宋毫  
十州大水十九年秋沁易二州水害稼二十一年八月  
河北大水泉州海溢驩州水二十二年夏瀘越徐交渝  
等州水永徽元年六月新豐渭南大雨零口山水暴出  
漂廬舍宣歙饒常等州大雨水溺死者數百人秋齊定

等州十六水二年秋汴定濮亳等州水四年杭夔果忠  
等州水五年五月丁丑夜大雨麟游縣山水衝萬年宮  
玄武門入寢殿衛士有溺死者六月河北大水滹沱溢  
損五千餘家六年六月商州大水秋冀沂密兗滑汴鄭  
婺等州水害稼洛州大水毀天津橋十月齊州河溢顯  
慶元年七月宣州涇縣山水暴出平地四丈溺死者二  
千餘人九月括州暴風雨海水溢壞安固永嘉二縣四  
年七月連州山水暴出漂七百餘家麟德二年六月鄜

州大水壞居人廬舍總章二年六月括州大風雨海溢  
壞永嘉安固二縣溺死者九千七十人冀州大雨水平  
地深一丈壞民居萬家咸亨元年五月丙戌大雨山水  
溢溺死五千餘人二年八月徐州山水漂百餘家四年  
七月婺州大雨山水暴漲溺死五千餘人上元三年八  
月青州大風海溢漂居人五千餘家齊淄等七州大水  
永隆元年九月河南河北大水溺死者甚衆二年八月  
河南河北大水壞民居十萬餘家永淳元年五月丙午

東都連日澍雨乙卯洛水溢壞天津橋及中橋漂居民  
千餘家六月乙亥京師大雨水平地深數尺秋山東大  
雨水大飢二年七月己巳河溢壞河陽橋八月恒州滹  
沱河及山水暴溢害稼文明元年七月溫州大水漂千  
餘家括州溪水暴漲溺死百餘人如意元年四月洛水  
溢壞永昌橋漂居民四百餘家七月洛水溢漂居民五  
千餘家八月河溢壞河陽縣長壽二年五月棣州河溢  
壞居民二千餘家是歲河陽州十一水萬歲通天元年

八月徐州大水害稼神功元年三月括州水壞民居七  
百餘家是歲河南州十九水聖歷二年七月丙辰神都  
大雨洛水壞天津橋秋水溢懷州漂千餘家三年三月  
辛亥鴻州水漂千餘家溺死四百餘人久視元年十月  
洛州水長安三年六月寧州大雨水漂二千餘家溺死  
千餘人四年八月瀛州水壞民居數千家神龍元年四  
月雍州同官縣大雨水漂民居五百餘家六月河北州  
十七大水七月甲辰洛水溢壞民居二千餘家二年四

月辛丑洛水壞天津橋溺死數百人八月魏州水景龍  
三年七月澧水溢害稼九月密州水壞民居數百家開  
元三年河南河北水四年七月丁酉洛水溢沈舟數百  
艘五年六月甲申瀍水溢溺死者千餘人鞏縣大水壞  
城邑損居民數百家河南水害稼八年夏契丹寇營州  
發關中卒援之宿澠池之闕門營穀水上夜半山水暴  
至萬餘人皆溺死六月庚寅夜穀洛溢入西上陽宮宮  
人死者十七八畿內諸縣田稼廬舍蕩盡掌閑衛兵溺

死千餘人京師興道坊一夕陷為池居民五百餘家皆  
沒不見是年鄧州三鴉口大水塞谷或見二小兒以水  
相沃須臾有蛇大十圍張口仰天人或斫射之俄而暴  
雷雨漂溺數百家十年五月辛酉伊水溢毀東都城東  
南隅平地深六尺河南許仙豫陳汝唐鄧等州大水害  
稼漂沒民居溺死者甚衆六月博州棣州河決十二年  
六月豫州大水八月兗州大水十四年秋天下州五十  
水河南河北尤甚河及支川皆溢懷衛鄭滑汴濮人或

巢或舟以居死者千計潤州大風自東北海濤沒瓜步  
十五年五月晉州大水七月鄧州大水溺死數千人洛  
水溢入鄜城平地丈餘死者無算壞同州城市及馮翊  
縣漂居民二千餘家八月澗穀溢毀澗池縣是秋天下  
州六十三大水害稼及居人廬舍河北尤甚十七年八  
月丙寅越州大水壞州縣城十八年六月壬午東都瀍  
水溺揚楚等州租船洛水壞天津永濟二橋及民居千  
餘家十九年秋河南水害稼二十年秋宋滑兗鄆等州

大水二十二年秋關輔河南州十餘水害稼二十七年  
三月澧袁江等州水二十八年十月河南郡十三水二  
十九年七月伊洛及支川皆溢害稼毀天津橋及東西  
漕上陽宮仗舍溺死千餘人是秋河南河北郡二十四  
水害稼天寶四載九月河南淮陽睢陽譙四郡水十載  
廣陵大風駕海潮沈江口船數千艘十三載九月東都  
瀍洛溢壞十九坊廣德元年九月大雨水平地數尺時  
吐蕃寇京畿以水自潰去二年五月東都大雨洛水溢

漂二十餘坊河南諸州水大歷元年七月洛水溢二年  
秋湖南及河東河南淮南浙東西福建等道州五十五  
水災七年二月江州江溢十年七月杭州海溢十一年  
七月戊子夜澍雨京師平地水尺餘溝渠漲溢壞民居  
千餘家十二年秋京畿及宋亳滑三州大雨水害稼河  
南尤甚平地深五尺河溢建中元年幽鎮魏博大雨易  
水滹沱橫流自山而下轉石折樹水高丈餘苗稼蕩盡  
貞元二年六月丁酉大風雨京城通衢水深數尺有溺

死者東都河南荆南淮南江河溢三年三月東都河南  
江陵汴揚等州大水四年八月灞水暴溢殺百餘人八  
年秋自江淮及荆襄陳宋至于河朔州四十餘大水害  
稼溺死二萬餘人漂沒城郭廬舍幽州平城水深二丈  
徐鄭涿薊檀平等州皆深丈餘八年六月淮水溢平地  
七尺沒泗州城十一年十月朗蜀二州江溢十二年四  
月福建二州大水嵐州暴雨水深二丈十三年七月淮  
水溢于亳州十八年春申光蔡等州大水永貞元年夏

朗州之熊武五溪溢秋武陵龍陽二縣江水溢漂萬餘家京畿長安等九縣山水害稼元和元年夏荆南及壽幽徐等州大水二年六月蔡州大雨水平地深數尺四年十月丁未渭南暴水漂民居二百餘家六年十月鄜坊黔中水七年正月振武河溢毀東受降城五月饒撫虔吉信五州暴水虔州尤甚平地有深至四丈者八年五月陳州許州大雨大隴山摧水流出溺死者千餘人六月庚寅大風毀屋揚瓦人多壓死京師大水城南深

丈餘入明德門猶漸車輻辛卯渭水漲絕濟時所在百  
川發溢多不由故道滄州水潦浸鹽山等四縣九年秋  
淮南及岳安宣江撫袁等州大水害稼十一年五月京  
畿大雨水昭應尤甚衢州山水害稼深三丈毀州郭溺  
死百餘人六月密州大風雨海溢毀城郭饒州浮梁樂  
平二縣暴雨水漂沒四千餘戶潤常朝陳許五州及京  
畿水害稼八月甲午渭水溢毀中橋十二年六月乙酉  
京師大雨水含元殿一柱傾市中水深三尺毀民居二

千餘家河南河北大水洛邢尤甚平地二丈河中江陵  
幽澤潞晉隰蘇台越州水害稼十三年六月辛未淮水  
溢十五年秋洪吉信滄等州水長慶二年七月河南陳  
許蔡等州大水好畤山水漂民居三百餘家處州大雨  
水平地深八尺壞城邑桑田大半四年夏蘇湖二州大  
雨水太湖決溢睦州及壽州之霍山山水暴出鄆曹濮  
三州雨水壞州城民居田稼略盡襄均復郢四州漢水  
溢決秋河南及陳許二州水害稼寶歷元年秋鄜坊二

州暴水充海華三州及京畿奉天等六縣水害稼大和  
二年夏京畿及陳滑二州水害稼河陽水平地五尺河  
決壞棣州城越州大風海溢河南鄆曹濮淄青齊德充  
海等州並大水三年四月同官縣暴水漂沒二百餘家  
宋亳徐等州大水害稼四年夏江水溢沒舒州太湖宿  
松望江三縣民田數百戶鄜坊水漂三百餘家浙西浙  
東宣歙江西鄜坊山南東道淮南京畿河南江南荆襄  
鄂岳湖南大水皆害稼五年六月立武江漲高二丈溢

入梓州羅城淮西浙東浙西荆襄岳鄂東川大水害稼六年二月蘇湖二州大水六月徐州大雨壞民居九百餘家七年秋浙西及揚楚舒廬壽滁和宣等州大水害稼八年秋江西及襄州水害稼蘄州湖水溢滁州大水溺萬餘戶開成元年夏鳳翔麟遊縣暴雨水毀九成宮壞民舍數百家死者百餘人七月鎮州滹沱河溢害稼三年夏河決浸鄭滑外城陳許鄆坊鄂曹濮襄魏博等州大水江漢漲溢壞房均荆襄等州民居及田產殆盡

蘇湖處等州水溢入城處州平地八尺四年秋西川滄  
景淄青大雨水害稼及民廬舍德州尤甚平地水深八  
尺五年七月鎮州及江南水會昌元年七月江南大水  
漢水壞襄均等州民居甚衆大中十二年八月魏博幽  
鎮兗鄆滑汴宋舒壽和潤等州水害稼徐泗等州水深  
五丈漂沒數萬家十三年夏大水咸通元年潁州大水  
四年閏六月東都暴雨自龍門毀定鼎長夏等門漂溺  
居人七月東都許汝徐泗等州大水傷稼九月孝義山

水深三丈破武牢關金城門汎水橋六年六月東都大  
水漂壞十二坊溺死者甚衆七年夏江淮大水秋河南  
大水害稼十四年八月關東河南大水乾符三年關東  
大水光化三年九月浙江溢壞民居甚衆乾寧三年四  
月河圯于滑州朱全忠決其堤因為二河散漫千餘里  
常寒顯慶四年二月壬子大雨雪方春少陽用事而寒  
氣脅之古占以為人君刑法暴濫之象近常寒也咸亨  
元年十月癸酉大雪平地三尺人多凍死儀鳳三年五

月丙寅高宗在九成宮霖雨大寒兵衛有凍死者開耀  
元年冬大寒久視元年三月大雪神龍元年三月乙酉  
睦州暴寒且冰開元二十九年九月丁卯大雨雪大木  
偃折大歷四年六月伏日寒貞元元年正月戊戌大風  
雪寒丙午又大風雪寒民饑多凍死者十二年十二月  
大雪甚寒竹柏柿樹多死占曰有德遭險厥災暴寒十  
九年三月大雪二十年二月庚戌始雷大雨雹震電大  
雨雪既雷則不當雪陰脅陽也如魯隱公之九年元和

六年十二月大寒八年十月東都大寒霜厚數寸雀鼠  
多死十二年九月己丑雨雪人有凍死者十五年八月  
己卯同州雨雪害稼長慶元年二月海州海水冰南北  
二百里東望無際太和六年正月雨雪踰月寒甚九年  
十二月京師苦寒會昌三年春寒大雪江左尤甚民有  
凍死者咸通五年冬隰石汾等州大雨雪平地深三尺  
景福二年二月辛巳曹州大雪平地二尺天復三年三  
月浙西大雪平地三尺餘其氣如煙其味苦十二月又

大雪江海冰天祐元年九月壬戌朔大風寒如仲冬是  
冬浙東浙西大雪吳越地氣常燠而積雪近常寒也鼓  
妖武德三年二月丁丑京師西南有聲如崩山近鼓妖  
也說者以為人君不聰為衆所惑則有聲無形不知所  
從生天授元年九月檢校內史宗秦客拜日無雲而雷  
震近鼓妖也貞元十三年六月丙寅天晦街鼓不鳴中  
和二年十月西北方無雲而雷天復三年十月甲午有  
大聲出于宣武節度使廳事近鼓妖也魚孽如意中濟

源路敬淳家水碾柱將壞易之為薪中有鮀魚長尺餘猶生近魚孽也神龍中渭水有蝦蟆大如鼎里人聚觀數日而失是歲大水開元四年安南都護府江中有大蛇首尾橫出兩岸經日而腐寸寸自斷數日江魚盡死蔽江而下十十五五相附著江水臭元和十四年二月晝有魚長尺餘墜於鄆州市良久乃死魚失水而墮于市敗滅象也開成二年三月壬申有大魚長六丈自海入淮至濠州招義民殺之近魚孽也乾符六年汜水河

魚逆流而上至垣曲平陸界魚民象逆流而上民不從  
君令也光啟二年揚州雨魚占如元和十四年蝗武德  
六年夏州蝗蝗之殘民若無功而祿者然皆貪撓之所  
生先儒以為人主失禮煩苛則旱魚螺變為蟲蝗故以  
屬魚孽貞觀二年六月京畿旱蝗太宗在苑中掇蝗祝  
之曰人以穀為命百姓有過在予一人但當蝕我無害  
百姓將吞之侍臣懼帝致疾遽以為諫帝曰所冀移災  
朕躬何疾之避遂吞之是歲蝗不為災三年五月徐州

蝗秋德戴廓等州蝗四年秋觀充遼等州蝗二十一年  
秋渠泉二州蝗永徽元年夔絳雍同等州蝗永淳元年  
三月京畿蝗無麥苗六月雍岐隴等州蝗長壽二年台  
建等州蝗開元三年七月河南河北蝗四年夏山東蝗  
蝕稼聲如風雨二十五年貝州蝗有白鳥數千萬羣飛  
食之一夕而盡禾稼不傷廣德二年秋蝗關輔尤甚米  
斗千錢興元元年秋螟蝗自山而東際于海晦天蔽野  
草木葉皆盡貞元元年夏蝗東自海西盡河隴羣飛蔽

天旬日不息所至草木葉及畜毛靡有子遺餓殣枕道  
民蒸蝗曝颺去翅足而食之永貞元年秋陳州蝗元和  
元年夏鎮冀等州蝗長慶三年秋洪州螟蝗害稼八萬  
頃開成元年夏鎮州河中蝗害稼二年六月魏博昭義  
淄青滄州兗海河南蝗三年秋河南河北鎮定等州蝗  
草木葉皆盡五年夏幽魏博鄆曹濮滄齊德淄青兗海  
河陽淮南虢陳許汝等州螟蝗害稼占曰國多邪人朝  
無忠臣居位食祿如蟲與民爭食故比年蟲蝗會昌元

年七月閹東山南鄧唐等州蝗大中八年七月斂南東川蝗咸通三年六月淮南河南蝗六年八月東都同華陝虢等州蝗七年夏東都同華陝虢及京畿蝗九年江淮關內及東都蝗十年夏陝虢等州蝗不絀無德虐取於民之罰乾符二年蝗自東而西蔽天光啟元年秋蝗自東方來羣飛蔽天二年荆襄蝗米斗錢三千人相食淮南蝗自西來行而不飛浮水緣城入揚州府署竹樹幢節一夕如翦幡幟畫像皆齧去其首撲不能止旬日

自相食盡豕禍貞觀十七年六月司農寺豕生子一首  
八足自頸分為二貞元四年二月京師民家有豕生子  
兩首四足首多者上不一也是歲宣州大雨震雷有物  
墮地如豬手足各兩指執赤班蛇食之頃之雲合不復  
見近豕禍也元和八年四月長安西市有豕生子三耳  
八足自尾分為二足多者下不一也咸通七年徐州蕭  
縣民家豕出圈舞又壯豕多將隣里羣豕而行復自相  
噬齧乾符六年越州山陰民家有豕入室內壞甃用銜

桉缶置於水次廣明元年絳州稷山縣民一豕生如人  
狀無眉目耳髮占為邑有亂雷電貞觀十一年四月甲  
子震乾元殿前槐樹震耀天之威怒以象殺戮槐古者  
三公所樹也證聖元年正月丁酉雷雷者陽聲出非其  
時臣竊君柄之象長安四年五月丁亥震雷大風拔木  
人有震死者延和元年六月河南偃師縣李材村有震  
電入民家地震裂濶丈餘長十五里深不可測所裂處  
井廁相通或衝冢墓枢出平地無損李國姓也震電威

刑之象地陰類也永泰元年二月甲子夜震霆自是無  
雷至六月甲申乃雷大厯十年四月甲申雷電暴風拔  
木飄瓦人有震死者京畿害稼者七縣建中元年九月  
己卯雷四年四月丙子東都畿汝節度使哥舒曜攻李  
希烈進軍至潁橋大雨震電人不能言者十三四馬驥  
多死貞元十四年五月己酉夏至始雷元和十一年冬  
雷長慶二年六月乙丑大風震電落太廟鴟尾破御史  
臺樹大和八年三月辛酉定陵臺大雨震廡下地裂二

十有六步占曰士庶分離大臣專恣不救大敗會昌三年五月甲午始雷咸通四年十二月震雷乾符二年十二月震雷雨雹乾寧四年李茂貞遣將符道昭攻成都至廣漢震雷有石墮于帳前霜貞觀元年秋霜殺稼京房易傳曰人君刑罰妄行則天應之以墮霜三年北邊霜殺稼永徽二年綏延等州霜殺稼調露元年八月邠涇寧慶原五州霜證聖元年六月睦州墮霜殺草吳越地燠而盛夏墮霜昔所未有四年四月延州霜殺草四

月純陽用事象人君當布惠于天下而反墮霜是無陽  
也開元十二年八月潞綏等州霜殺稼十五年天下州  
十七霜殺稼元和二年七月邠寧等州霜殺稼九年三  
月丁卯墮霜殺桑十四年四月淄青墮霜殺惡草及荆  
棘而不害嘉穀寶歷元年八月邠州霜殺稼太和三年  
秋京畿奉先等八縣早霜殺稼大中三年春墮霜殺桑  
中和元年春霜秋河東早霜殺稼雹貞觀四年秋丹延  
北永等州雹顯慶二年五月滄州大雨雹中人有死者

咸亨元年四月庚午雍州大雨雹二年四月戊子大雨  
雹震電大風折木落則天門鴟尾三先儒以為雹者陰  
脅陽也又曰人君惡聞其過抑賢用邪則雹與雨俱信  
讒殺無罪則雹下毀瓦破車殺牛馬永淳元年五月壬  
寅定州大雨雹害麥禾及桑天授二年六月庚戌許州  
大雨雹證聖元年二月癸卯滑州大雨雹殺燕雀神功  
元年媯綏二州雹聖厯元年六月甲午曹州大雨雹久  
視元年六月丁亥曹州大雨雹長安三年八月京師大

雨雹人畜有凍死者神龍元年四月壬子雍州同官縣  
大雨雹殺鳥獸景龍元年四月己巳曹州大雨雹二年  
正月己卯滄州雨雹如雞卵開元八年十二月丁未滑  
州大雨雹二十二年五月戊辰京畿渭南等六縣大風  
雹傷麥大歷七年五月乙酉雨雹貞元二年六月丙子  
大雨雹十七年二月丁酉雨雹己亥霜戊申夜震霆雨  
雹庚戌大雨雪而雹五月戊寅好畤縣風雹害麥十八  
年七月癸酉大雨雹元和元年鄜坊等州雹十年秋鄜

坊等州風雹害稼十二年夏河南雨雹中人有死者十五年三月京畿興平醴泉等縣雹傷麥長慶四年六月庚寅京師雨雹如彈丸大和四年秋鄜坊等州雹五年夏京畿奉先渭南等縣雨雹開成二年秋河南雹害稼四年七月鄭滑等州風雹五年六月濮州雨雹如拳殺人三十六牛馬甚衆會昌元年秋登州雨雹文登尤甚破瓦害稼四年夏雨雹如彈丸乾符六年五月丁酉宣授宰臣豆盧瑑崔沆制殿庭氛霧四塞及百官班賀于

政事堂雨雹如鳧卵大風雷雨拔木廣明元年四月甲  
申朔汝州大雨風拔街衢樹十二三東都有雲起西北  
大風隨之長夏門內表道古槐樹自拔者十五六宮殿  
鴟尾皆落雨雹大如杯鳥獸殪於川澤黑眚黑祥大厯  
二年十二月戊戌黑氣如塵彌漫于北方黑氣陰沴也  
貞元四年七月自陝至河陰河水黑流入汴至汴州城  
下一宿而復近黑祥也占曰法嚴刑酷傷水性也五行  
變節陰陽相干氣色繆亂皆敗亂之象十四年潤州有

黑氣如隄自海門山橫亘江中與北固山相峙又有白氣如虹自金山出與黑氣交將旦而沒太和四年正月壬寅黑氣如帶東西際天咸通十四年七月僖宗即位是日黑氣如盤自天屬含元殿庭火沴水武德九年二月蒲州河清襄楷以為河諸侯象清陽明之效也貞觀十四年二月陝州泰州河清十六年正月懷州河清十七年十二月鄭州滑州河清二十三年四月靈州河清永徽元年正月濟州河清二年十二月衛州河清五年

六月濟州河清十六里調露二年夏豐州河清長安初  
醴泉坊大平公主第井水溢流又并州文水縣鹹水竭  
武氏井溢神龍二年二月壬子洛陽城東七里地色如  
水樹木車馬歷歷見影漸移至都月餘乃滅長安街中  
往往見水影昔符堅之將死也長安嘗有是景龍四年  
三月庚申京師井水溢占曰君凶又曰兵將起開元二  
十二年八月清夷軍黃帝祠古井湧浪二十五年五月  
淄州棣州河清二十九年亳州老子祠九井涸復湧乾

元二年七月嵐州合河關河三十里清如井水四日而  
變寶應元年九月甲午太州至陝州二百餘里河清澄  
澈見底大厯末深州束鹿縣中有水影長七八尺遙望  
見人馬往來如在水中及至前則不見水建中四年五  
月乙巳滑州濮州河清十四年閏五月乙丑滑州河清  
貞元二十一年夏越州鏡湖竭是歲朗州熊武五溪水  
鬪占曰山崩川竭國必亡又曰方伯力政厥異水鬪開  
成二年夏旱揚州運河竭大中八年正月陝州河清咸

通八年七月泗州下邳雨湯殺鳥雀水沸于火則可以  
傷物近火滲水也雨者自上而降鳥雀民象中和三年  
秋汴水入于淮水鬪壞船數艘廣明元年夏汝州峴陽  
峯龍池涸近川竭也五行傳曰皇之不極是謂不建厥  
咎眊厥罰常陰厥極弱時則有射妖時則有龍蛇之孽  
時則有馬禍時則有下人伐上之痾時則有日月亂行  
星辰逆行謂木金火水土滲天也常陰長安四年自九  
月霖雨陰晦至于神龍元年正月貞元二十一年秋連

月陰霧元和十五年正月庚辰至于丙申晝常陰晦微  
雨雪夜則晴霽占曰晝霧夜晴臣志得申咸通十四年  
七月靈州陰晦乾符六年秋多雲霧晦冥自旦及禺中  
乃解光啟元年秋河東大雲霧明年夏晝陰積六十日  
二年十一月淮南陰晦雨雪至明年二月不解景福二  
年夏連陰四十餘日霧長壽元年九月戊戌黃霧四塞  
霧者百邪之氣為陰冒陽本于地而應于天黃為土土  
為中宮神龍二年三月乙巳黃霧四塞景龍二年八月

甲戌黃霧昏濁不雨三年正月丁卯黃霧四塞十一月  
甲寅日入後昏霧四塞經二日乃止占曰霧連日不解  
其國昏亂開元五年正月戊辰昏霧四塞天寶十四載  
冬三月常霧起昏暗十步外不見人是謂晝昏占曰有  
破國至德二載四月賊將武令珣圍南陽白霧四塞上  
元元年閏四月大霧占曰兵起貞元十年三月乙亥黃  
霧四塞日無光咸通九年十一月龐勛圍徐州甲辰大  
霧昏塞至于丙午光化四年冬昭宗在東內武德門內

煙霧四塞門外日色皎然虹蜺武德初隋將充君素守  
蒲州有白虹下城中唐隆元年六月戊子虹蜺亘天蜺  
者斗之精占曰后妃陰脅王者又曰五色迭至照于宮  
殿有兵延和元年六月幽州都督孫佺帥兵襲奚將入  
賊境有白虹垂頭于軍門占曰其下流血至德二載正  
月丙子南陽夜有白虹四上亘百餘丈元和十三年十  
二月丙辰有白虹濶五尺東西亘天會昌四年正月己  
酉西方有白虹咸通元年七月己酉朔白虹橫亘西方

九年七月戊戌白虹橫亘西方光啓二年九月白虹見  
西方十月壬辰夜又如之天復三年三月朔日有曲虹  
在日東北龍蛇孽貞觀八年七月隴右大蛇屢見蛇女  
子之祥大者有所象也又汾州青龍見吐物在空中光  
明如火墮地地陷掘之得玄金廣尺長七寸顯慶二年  
五月庚寅有五龍見于岐州之皇后泉先天二年六月  
京師朝堂壇下有大蛇出長丈餘有大蝦蟆如盤而目  
赤如火相與鬪俄而蛇入于大樹蝦蟆入于草蛇蝦蟆

皆陰類朝堂出非其所也開元四年六月郴州馬嶺山  
下有白蛇與黑蛇鬪白蛇長六七尺吞黑蛇至腹口眼  
血流黑蛇長丈餘頭穿白蛇腹出俱死天寶中洛陽有  
巨蛇高丈餘長百尺出芒山下胡僧無畏見之曰此欲  
決水灌洛城即以天竺法呪之數日蛇死十四載七月  
有二龍鬪於南陽城西易坤上六龍戰於野文言曰陰  
疑於陽必戰至德元載八月朔成都丈人廟有肉角蛇  
見二載三月有蛇鬪於南陽門之外一蛇死一蛇上城

建中二年夏趙州寧晉縣沙河北有棠樹甚茂民祠之  
為神有蛇數百千自東西來趨北岸者聚棠樹下為二  
積留南岸者為一積俄有徑寸龜三繞行積蛇盡死而  
後各登其積野人以告蛇腹皆有瘡若矢所中刺史康  
日知圖其事奉三龜來獻四年九月戊寅有龍見于汝  
州城壕龍大人象其潛也象其飛也大城壕失其所也  
貞元末資州得龍丈餘西川節度使韋皋匣而獻之百  
姓縱觀三日為煙所薰而死太和二年六月丁丑西北

有龍鬪三年成都門外有龍與牛鬪開成元年宮中有  
衆蛇相與鬪光化三年九月杭州有龍鬪于浙江水溢  
壞民廬舍占同天寶十四載光啟二年冬鄜州洛交有  
蛇見于縣署復見于州署蛇冬則蟄易曰龍蛇之蟄以  
存身也馬禍義寧二年五月戊申有馬生角長二寸末  
有肉角者兵象武德三年十月王世充偽左僕射韋齊  
馬生角當頂永隆二年監牧馬大死凡十八萬匹馬者  
國之武備天去其備國將危亡文明初新豐有馬生駒

二首同項各有口鼻生而死又咸陽牝馬生石大如升  
上微有綠毛皆馬禍也開元十二年五月太原獻異馬  
駒兩肋各十六肉尾無毛二十五年濮州有馬生駒肉  
角二十九年三月滑州刺史李邕獻馬肉鬢鱗臆嘶不  
類馬日行三百里建中四年五月滑州馬生角大和九  
年八月易定馬飲水因吐珠一以獻開成元年六月揚  
州民明齊家馬生角長一寸三分會昌元年四月桂州  
有馬生駒三足能隨羣于牧咸通三年郴州馬生角十

一年沁州綿上及和川牡馬生子皆死京房易傳曰方伯分威厥妖牡馬生子乾符二年河北馬生人中和元年九月長安馬生人京房易傳曰諸侯相伐厥妖馬生人一曰人流亡二年二月蘇州嘉興馬生角光啟二年夏四月僖宗在鳳翔馬尾皆咤蓬如箒咤怒象文德元年李克用獻馬二肘膝皆有鬚長五寸許蹄大如七寸甌人痾武德四年太原尼志覺死十日而蘇貞觀十九年衛州人劉道安頭生肉角隱見不常因以惑衆伏誅

角兵象肉不可以觸者永徽六年淄州高苑民吳威妻  
嘉州民辛道護妻皆一產四男凡物反常則為妖亦陰  
氣盛則母道壯也顯慶二年普州有人化為虎虎猛噬  
而不仁儀鳳三年四月涇州獻二小兒連心異體初鶡  
觚縣衛士胡萬年妻吳生一男一女其胷相連餘各異  
體乃析之則皆死又產復然俱男也遂育之至是四歲  
以獻于朝永隆元年長安獲女魃長尺有二寸其状怪  
異詩曰旱魃為虐如惔如焚是歲秋不雨至于明年正

月永隆二年九月萬年縣女子劉凝靜衣白衣從者數人升太史令廳問比有何災異令執之以聞是夜彗星見太史司天文歷候王者所以奉若天道恭授民時者非女子所當問載初中涪州民范端化為虎神功元年二月庚子有人走入端門又入則天門至通天宮閣及仗衛不之覺時來俊臣婢產肉塊如二升器剖之有赤蟲須臾化為蜂蟄人而去久視二年正月成州有大人跡見長安中郴州佐史因病化為虎欲食其嫂擒之乃

人也雖未全化而虎毛生矣太極元年狂人段萬謙潛入承天門登太極殿升御牀自稱天子且言我李安國也人相我年三十二當為天子開元二十三年四月冀州獻長人李家寵八尺有五寸大歷十年二月昭應婦人張產一男二女貞元八年正月丁亥許州人李狗兒持杖上含元殿擊欄檻伏誅十年四月恒州有巨人跡見十五年正月戊申狂人劉忠詣銀臺稱白起令上表天下有火灾十七年十一月翰林待詔戴少平死十有

六日而蘇是歲宣州南陵縣丞李嶷死已殯三十日而  
蘇元和二年商州洪崖治役夫將化為虎衆以水沃之  
不果化長慶四年三月民徐忠信潛入浴堂門寶歷二  
年十二月延州人賀文妻一產四男太和二年十月狂  
人劉德廣入含元殿咸通七年渭州有人生角寸許占  
曰天下有兵十三年四月太原晉陽民家有嬰兒兩頭  
異頸四手聯足此天下不一之妖是歲民皇甫及年十  
四暴長七尺餘長啜大嚼三倍如初歲餘死乾符六年

秋蜀郡婦人尹生子首如豕目在眶下占曰君失道光  
啓元年隰州溫泉民家有死者既葬且半月行人聞聲  
呼地下其家發之則復生歲餘乃死二年春鳳翔郿縣  
女子未亂化為丈夫旬日而死京房易傳曰茲謂陰昌  
賊人為王大順元年六月資州兵王全義妻如孕覺物  
漸下入股至足大拇指痛甚折而生珠如彈丸漸長大如  
杯天祐二年五月潁州汝陰民彭文妻一產三男疫貞  
觀十年關內河東大疫十五年三月澤州疫十六年夏

穀涇徐戴號五州疫十七年夏澤濠廬三州疫十八年  
廬濠巴普郴五州疫二十二年鄉州大疫永徽六年三  
月楚州大疫永淳元年冬大疫兩京死者相枕於路占  
曰國將有恤則邪亂之氣先被于民故疫景龍元年夏  
自京師至山東河北疫死者千數寶應元年江東大疫  
死者過半貞元六年夏淮南浙西福建道疫元和元年  
夏浙東大疫死者大半太和六年春自劍南至浙西大  
疫開成五年夏福建台明四州疫咸通十年宣歙兩浙

疫大順二年春淮南疫死者十三四天鳴天寶十四載  
五月天鳴聲若雷占曰人君有憂貞元二十一年八月  
天鳴在西北中和三年三月浙西天鳴聲如轉磨無雲  
而雨元和十二年正月乙酉星見而雨占曰無雲而雨  
是謂天泣隕石永徽四年八月己亥隕石于同州馮翊  
十八光耀有聲如雷近星隕而化也庶民惟星在上而  
隕民去其上之象一曰人君為詐妄所蔽則然

唐書卷三十六

謹案卷三十五第一頁後一行二行時則有華孽  
羸蟲之孽案尚書大傳及劉向五行傳無羸蟲  
之孽四字此從劉歆傳增

第五頁後四行洛州大風案通考洛州作洛州與  
此異

第十一頁後二行禾麥之異刊本禾訛米據文獻  
通考改

第十三頁後七行時則有毛蟲之孽案尚書大傳

及劉向五行傳毛蟲俱作介蟲此從劉歆傳說  
卷三十六第一頁後一行時則有魚孽刊本脫此

五字據尚書大傳及下文十二頁後半所記魚

孽增

第十二頁後二行神龍中至是歲大水二十三字  
刊本訛在下開元二年一段之下據年次改正



總校官庶吉士臣侍朝

校對官檢討臣蕭九成

謄錄監生臣李本

欽定四庫全書叢要

史部

唐書卷三十七



詳校官編修臣王天祿

史部

欽定四庫全書薈要卷五千一百六十八

唐書卷三十七

宋翰林學士歐陽修撰

地理志第二十七

地理志

自秦變古王制，亡始郡縣天下。下更漢晉分裂爲南北，至隋滅陳，天下始合爲一。乃改州爲郡，依漢制置太守，以司隸刺史相統治。爲郡一百九十縣一千二百五十。

五戶八百九十九萬七千五百四十六口四千六百一萬  
九千九百五十六其地東西九千三百里南北一萬四  
千八百一十五里東南皆至海西至且末北至五原唐  
興高祖改郡爲州太守爲刺史又置都督府以治之然  
天下初定權置州郡頗多太宗元年始命併省又因山  
川形便分天下爲十道一曰關內二曰河南三曰河東  
四曰河北五曰山南六曰隴右七曰淮南八曰江南九  
曰劍南十曰嶺南至十三年定簿凡州府三百五十八

縣一千五百五十一明年平高昌又增州二縣六其後  
北殄突厥額利西平高昌北踰陰山西抵大漠其地東  
極海西至焉耆南盡林州南境北接薛延陀界東西九  
千五百一十一里南北一萬六千九百一十八里景雲  
二年分天下郡縣置二十四都督府以統之既而以其  
權重不便罷之開元二十一年又因十道分山南江南  
爲東西道增置黔中道及京畿都畿置十五採訪使檢  
察如漢刺史之職天寶盜起中國用兵而河西隴右不

守陷於吐蕃至大中咸通始復隴右乾符以後天下大亂至於唐亡然舉唐之盛時開元天寶之際東至安東西至安西南至日南北至單于府蓋南北如漢之盛東不及而西過之開元二十八年戶部帳凡郡府二百二十有八縣千五百七十三戶八百四十一萬二千八百七十一口四千八百四十四萬三千六百九應受田一千四百四十萬三千八百六十二頃考隋唐地理之廣狹戶口盈耗與其州縣廢置其盛衰治亂興亡可以見

矣蓋自古爲天下者務廣德而不務廣地德不足矣地雖廣莫能守也嗚呼盛極必衰雖曰勢使之然而殆忽驕滿常因盛大可不戒哉

關內道蓋古雍州之域漢三輔北地安定上郡及弘農隴西五原西河雲中之境京兆華同鳳翔邠隴涇原渭武寧慶鄜坊丹延靈威雄會鹽綏宥爲鶴首分麟豐勝銀夏單于安北爲寶沈分商爲鶴火分爲府二都護府二州二十七縣百三十五其名山太白九嶧吳岐梁華

其大川涇渭灞滻厥賦絹綿布麻

京兆同華岐調綿餘州布麻開元二十五

年以關輔寡蠶詔納米粟其河南

河北非通漕州皆調絹以便關中

厥貢毛羽革角布席

弓刀上都初曰京城天寶元年曰西京至德二載曰中

京上元二年復曰西京肅宗元年曰上都

皇城長千九百一十五步

廣千二百步宮城在北長千四百四十步廣九百六十步周四千八百六十步其崇三丈有半龍朔後皇帝常

居大明宮乃謂之西內神龍元年曰太極宮大明宮在禁苑東南西接宮城之東北隅長千八百步廣千八十

步曰東內本永安宮貞觀八年置九年曰大明宮以備太上皇清暑百官獻貲以助役高宗以風痺厥西內湫

涇龍朔三年始大興葺曰蓬萊宮咸亨元年曰含元宮長安元年復曰大明宮興慶宮在皇城東南距京城之

東開元初置至十四年又增廣之謂之南內二十年築  
夾城入芙蓉園京城前直子午谷後枕龍首山左臨灞  
岸右抵澧水其長六千六百六十步廣五千五百  
七十五步周二萬四千一百二十步其崇丈有八尺

京兆府京兆郡本雍州開元元年爲府厥貢水土稻麥  
麌紫稈粟隔紗粲席鞶幢蠟酸棗仁地骨皮櫻桃藕粉

天寶元年領戶三十六萬二千九百二十一口百九十

六萬一百八十八領縣二十

有府百三十一曰真化匡道水衡仲山新城竇泉善

信鳳神安業平

赤本大興武德元年更名二年析置芷陽縣七年省總章元年析置

香太清餘皆逸萬年

赤本大興武德元年更名二年析置

明堂縣長安二年省天寶七載曰咸寧至德三載復故

名有南望春宮臨澠水西岸有北望春宮宮東有廣運

潭福陵在東二十五里  
長安赤總章元年析置乾封縣  
敬陵在東南四十里  
弘義後更名南五十里太和谷有太和宮武德八年置  
貞觀十年廢二十一年復置曰翠微宮籠山爲苑元和  
中以爲翠微寺有子午闕天寶二年尹韓朝宗引渭水  
入金光門置潭於西市以貯材木大歷元年尹黎幹自  
南山開漕渠抵景風延  
咸陽畿武德元年析涇陽始平  
喜門入苑以漕炭薪  
寧陵又有順  
興平畿本始平景龍二年中宗送金城公  
陵在咸陽原  
更名西十八里  
雲陽赤武德元年析置石門縣三年以  
有隋仙林宮  
省溫秀更石門曰雲陽雲陽曰池陽八年省雲陽更池  
陽曰雲陽天授二年以雲陽涇陽醴泉三原置鼎州大  
足元年州廢有堯山甘泉山凡禁樵採者著于志有古  
鄭白渠崇陵在北十五里嵯峨山貞陵在西北四十里

涇陽

畿

三原

次赤武德四年曰池陽六年曰華池析置  
三原隸泉州貞觀元年省復華池曰三原

永康陵在北十八里獻陵在東十八里莊

陵在西北五里

端陵在東十

里

渭南

畿武德元年

還隸雍州天授二年析渭南慶山置鴻門縣

以渭南慶

山鴻門高陵櫟陽置鴻州尋省鴻門大足

元年州廢西

十里有遊龍宮開元二十五年

昭應

次赤本新豐垂拱

更置東十五里有隋崇業宮

元年復故名有宮在驪山下貞觀十八年置咸亨二年

始名溫泉宮

天寶元年更驪山曰會昌山三載

以縣去

宮遠折新豐萬年置會昌縣六載更溫泉曰華清宮治

湯井爲池環山列宮室又築羅城置百司及十宅七載

省新豐更會昌縣及山曰昭應東三十五里有慶山垂

拱二年涌出有清虛源本鳳凰有幽棲谷本鶴鵠中宗

以韋嗣立所居更名有旌儒鄉有廟

故坑儒玄宗更名齊陵在東十六里

高陵

畿武德元年析置鹿苑縣

貞觀元年省西四十里有龍躍宮武德六年高祖以舊第置德宗以爲修真觀有古白渠寶歷元年令劉仁師請更水道渠成名曰劉公堰曰彭城同官畿有女富平次赤有荆山有鹽十五里龍泉山元陵在西北二十五里檀山豐陵在東三十三里甕金山章陵在西北二十里簡陵在西北四十里藍田畿武德二年析置白鹿縣三年更曰寧民又析里藍田置玉山縣貞觀三年皆省有覆車山有藍田關故曉關有庫谷谷有關武德六年寧民令顏昶郢引南山水入京城永淳元年作萬全宮弘道元年廢鄖畿有漢陂東南三十里有隋太平宮西南二十二里有隋甘泉宮奉天次赤文明元年時武功幽州之永壽置以奉乾陵陵在北五里梁山靖陵在東北十里乾寧二年以縣置乾州及覃王出鎮又以畿內之好畤武好畤畿故上宜武德二年析醴泉置功蓋屋醴泉隸之好畤貞觀八年廢上宜入岐陽

二十一年省好畤岐陽復置上 武功 畿武德三年以武  
宜更上宜曰好畤有大橫關 功好畤藍厓及郇  
州之郿鳳泉置稷州又析始平置扶風縣四年以岐州  
之圍川鳳泉隸岐州藍厓武功隸雍州天授二年復以  
武功始平奉天藍厓好畤置稷州大足元年州廢省扶風  
一山高十八里有慶善宮臨渭水武德元年高祖  
以舊第置宮後廢爲慈德寺西原殤帝所葬 醴泉次  
武德元年析置溫秀縣後省醴泉貞觀十年營昭陵析  
雲陽咸陽復置有芳山有九嵒山昭陵在西北六十里  
九嵒山建陵在東北十 華原 畿義寧二年以華原宜君  
八里武將山一名馮山 同官置宜君郡并置土門  
縣以隸之武德元年曰宜州貞觀十七年州廢省宜君  
土門以華源同官隸雍州垂拱二年更華原曰永安天  
授二年復以永安同官富平美原置宜州大足元年州  
廢有永安宮長安二年置神龍元年復永安曰華原有

蒲萄園宮天祐三年李茂貞墨制以縣置耀州美原及同州之蒲城以故土門

縣置天祐二年李茂

貞墨制以縣置鼎州

華州華陰郡上輔義寧元年析京兆郡之鄭華陰置垂拱二年避武氏諱曰大州神龍元年復故名上元二年又更名太州寶應元年復故名乾寧四年曰興德府縣次畿赤光化三年復爲州土貢鷄烏鵲伏苓伏神細辛戶三萬三千一百八十七口二十二萬三千六百一十

三縣四有府二十曰普樂豐源義全清義萬福修仁神水常興義津定城延壽羅文鄭邑宣義相原孝

德溫湯宣化懷德懷仁有  
鎮國軍肅宗上元元年置鄭望有少華山東北三里有  
神臺宮本隋普德宮咸亨  
二年更名西南二十三里有利俗渠引喬谷水東南十  
五里有羅文渠引小敷谷水支分溉田皆開元四年詔  
陝州刺史姜師度疏故華陰望垂拱元年更名仙掌天  
渠又立堤以捍水害授二年析置潼津縣在關  
口後隸虢州聖歷二年來屬長安中省神龍元年復曰  
華陰上元二年曰太陰華山曰太山寶應元年復故名  
有岳祠有潼闢有渭津闢有漕渠自苑西引渭水因古  
渠會灞澗經廣運潭至縣入渭天寶三載韋堅開又有  
永豐倉有臨渭倉西十八里有瓊岳宮故隋華陰宮顯  
慶三年更名東十三里有隋金城宮武德三年廢顯慶  
三年復置西二十四里有敷水渠開元二年姜師  
度鑿以洩水害五年刺史樊忱復鑿之使通渭漕下邽  
望本隸同州垂拱元年來屬東南二十里有櫟陽本畿  
金氏二陂武德二年引白渠灌之以置監屯萬

年隸雍州武德元年更名又析置平陵縣三年更平陵曰栗邑貞觀八年省有煮鹽澤天祐三年來屬

同州馮翊郡上輔武德元年更諸郡爲州其沒于賊者事平乃更天寶三載以州爲郡乾元

元年復以郡爲州凡州郡縣無所更置者皆承隋舊土貢韓鄆二物皺紋吉莫麝

芑茨龍莎凝水石戶六萬九百二十八口四十萬八千

七百五縣八

有府二十六曰濟北唐安秦城太州大亭河東興德連邑伏龍溫湯安遠業善南鄉

臨高漢陽襄城崇道浙谷吉安長春華池永大洪泉善福司禦效誠馮翊望武德九年析置臨沮縣貞觀

九年省有沙苑南三十二里有興德朝邑望有長春宮在志武里高祖將趨長安所次

武德三年析

置河濱縣貞觀元年省北四里有通靈陂開元七年刺史姜師度引洛堰河以溉田百餘頃乾元三年曰河西

隸河中府大歷三年復曰朝邑還隸

韓城

上武德八年徙置西韓州

同州有河瀆祠西海祠

小池有鹽

韓城

上武德八年

貞觀八年州廢以韓城河西邵陽來屬天祐二年更名

韓原有鐵有梁山有龍門山有闢武德七年治中雲得

臣自龍門引河

溉田六千餘頃邵陽

望有陽班湫貞元

四年堰洿谷水成

夏陽

本河西武

邵陽置又以河西邵陽韓城置西韓州乾

元三年更河西曰夏陽隸河中後復來屬

白水

望

澄城

望武德三年析置長奉先

本次赤故蒲城開元四年更名隸京兆府橋陵在西北三十里

豐山泰陵在東北二十里金粟山景陵在西北二十里

金熾山光陵在北十五里堯山惠陵在西北十里

有鹵池二大中二年其

一生鹽天祐三年來屬

商州上洛郡望土貢麝香弓材有洛源監錢官貞元七

年刺史李西華自藍田至內鄉開新道七百餘里迴山  
取塗人不病涉謂之偏路行旅便之戶八千九百二十

六口五萬三千八十縣六

有府二曰洵水玉京有興平軍初在鄆縣東原至德中徙

上洛

累有熊耳山

豐陽

上洛南上有金有銅

商洛

望東有武關

上津

上義寧二年以上津豐利黃土置上津郡并置長利縣  
武德元年曰上州貞觀元年省長利八年州廢以黃土  
隸金州豐利隸乾元中下本安業萬歲通天元年析豐  
均州上津來屬乾元陽置景龍三年隸雍州景雲元年

來屬乾元元年更名  
隸京兆尋復還屬

鳳翔府扶風郡赤上輔本岐州至德元載更郡曰鳳翔

二載復郡故名號西京爲府上元二年罷京元年曰西

都未幾復罷都土貢榛實龍鬚席蠟燭戶五萬八千四

百八十六口三十八萬四百六十三縣九

有府十三曰岐山雍北道

清洛邑留谷岐陽文城郊邑

三交鳳泉望苑邵吉山泉

天興

次赤本雍至德二載

縣寶應元年省

岐山次畿貞觀七年析扶風岐山及京

鳳翔入天興

兆之上宜置岐陽縣八年省上宜

入岐山永徽五年復置

扶風

次畿本漳川武德三年析

元和三年省有岐山

岐山置以漳水名之貞觀

八年麟遊

次畿義寧元年置以麟遊及京兆之上宜扶

更名麟遊

風郡之普潤置鳳樓郡二年以仁壽宮中獲

白麟更郡曰麟遊又以安定郡之鶴觚并析置靈臺縣

隸之武德元年曰麟州貞觀元年州廢省靈臺入麟遊

以麟遊普潤來屬上宜還隸雍州鶴觚還隸涇州西五  
里有九成宮本隋仁壽宮義寧元年廢貞觀五年復置  
更名永徽二年曰萬年宮乾封二年復曰九成宮周垣  
千八百步并置禁苑及府庫官寺等又西三十里有永  
安宮貞觀八年置 普潤縣隸隴右經略使元和元年更名保義  
軍寶雞次畿本陳倉至德二載更名東有渠引渭水入  
昇原渠通長安故城咸通三年開西南有大散  
關有寶號次畿貞觀八年省入岐山天授二年復置東  
雞山 北十里有高泉渠如意元年開引水入縣城  
又西北有昇原渠引汧水至咸 鄢城郡次畿義寧二年置  
鄆陽垂拱初運岐隴水入京城 鄢城郡又析置鳳泉縣  
武德元年曰邠州以鳳泉來屬三年州廢以鄆隸稷州  
七年來屬貞觀八年省鳳泉大歷五年權隸京兆有太  
白山有藍厔本畿隸雍州武德二年析置終南縣貞觀八年省天寶元年更名宜壽至德二載復

故名乾寧中隸乾州天復元年來屬有駱谷關武德七年置有司竹園東南三十二里有隋宜壽宮有樓觀老子祠

邠州新平郡緊義寧二年析北地郡之新平三水置邠故作幽開元十三年以字類幽改土貢剪刀火筋草豆澆豆白蜜地膽戶二萬二千九百七十七口十二萬五

千二百五十縣四

有府十曰嘉陽宜祿公劉良杜胡陵蠚川萬敵金池舜城宜山新平

望有永定壘二  
太宗討薛舉置三水

緊有石門山北二十里有萬

大歷八年因風雷而成永壽

上武德二年析新平置神龍

宜祿中貞觀二年析新平元年隸雍州唐隆元年來屬

及涇州之保定靈臺

置有淺水原  
有長武城

右京畿採訪使治京城內

隴州汧陽郡上本隴東郡義寧二年析扶風郡之汧源  
汧陽南由安定郡之華亭置天寶元年更郡曰汧陽土  
貢榛實龍鬚席戶二萬四千六百五十二口十萬一百  
四十八縣三有府四曰大堆  
龍盤開川臨汧汧源上垂拱二年更華亭  
曰華川神龍元年復故名元和三年省入汧源西有安戎關在隴山本大震  
闕大中六年防禦使薛達徙築更名有鐵有五節堰引  
龍水通漕武德八年水部郎中姜行本開後廢華亭有  
義寧軍大歷八年置貞元十三年築永信城于平戎川

**汧陽**上有臨汧城

太和元年築

**吳山**

中本長蛇義寧二年置貞觀元年更名上元二年曰華山尋復

曰吳山武德元年以南由縣置舍州四年州廢元和三年省入焉有西鎮吳山祠有紫超山西有安夷關

**涇州保定郡**上本安定郡至德元載更名土貢龍鬚席

戶三萬一千三百六十五口十八萬六千八百四十九

**縣五**

有府六曰涇陽四門

**保定**

上本安定至德元載更名廣德元年沒吐蕃大

歷三年復置靈臺

上本鶴觚天

寶元年更名臨涇

中良原

上興元二年沒吐蕃

有折墳故城

潘原

中本陰盤天寶元年更名後省

貞元四年復置

爲彰信堡

貞元十一年復置

**原州平涼郡**中都督府望廣德元年沒吐蕃節度使馬

璘表置行原州於靈臺之百里城貞元十九年徙治平

涼元和三年又徙治臨涇大中三年收復闕隴歸治平

高廣明後復沒吐蕃又僑治臨涇土貢羶覆鞍羶龍鬚

席戶七千三百四十九口三萬三千一百四十六縣二

有府二曰平高望有崆峒山西南有木峽關州境又有  
彭陽安善石門驛藏制勝石峽木靖等關并木峽

大盤爲七關又上

南有瓦亭故關百泉

渭州元和四年以原州之平涼縣置行渭州廣明元年  
爲吐蕃所破中和四年涇原節度使張鈞表置凡乾元

後所置州皆無郡名及其季世所置州縣又不列上中

下之第縣一平涼

上廣德元年沒吐蕃貞元四年復置及爲行渭州其民皆州自領之西南

隴山有六盤闢有銀有銅有鐵西北

五里有吐蕃會盟壇貞元三年築

武州中大中五年以原州之蕭關置中和四年僑治潘

原縣一蕭關

中貞觀六年以突厥降戶置緣州治平高  
之他樓城高宗置他樓縣隸原州神龍元

年省置蕭關縣白草軍在蔚

茹水之西至德後沒吐蕃

寧州彭原郡望本北地郡天寶元年更名土貢五色覆

鞍檀龍鬚席莞青亭長菴閣假蘓戶三萬七千一百二

十一口二十二萬四千八百三十七縣五

有府十一日  
彭池高望靜

難騎寶天固蒲川東原

望義寧二年析置歸義縣  
十七年省入定平有定安

三會大延和泉永寧

定安

望義寧二年析置歸義縣  
十七年省入定平有定安

故真寧

緊大羅川有要冊湫天寶元年  
獲玉真人像二十七因更名

襄樂

緊彭原武

德元年以縣置彭州二年析置豐義縣貞觀元年州廢  
以彭原豐義來屬開元八年以豐義隸涇州尋復還屬

唐末定平上武德二年析定安置後隸邠州元和三年  
省復來屬四年隸左神策軍有高撫城唐末以

縣置

衍州

慶州順化郡中都督府本弘化郡天寶元年曰安化至  
德元載更名土貢胡女布牛酥麝蠟戶二萬三千九百

四十九口十二萬四千二百三十六縣十

有府八曰龍  
息交水同川

永清蟠交永

順化

中本弘化天寶元年曰

合

水川中本合

業樂蟠永安

順化

安化至德元載更名

合

水川中義寧

元年置是年又析

置蟠交縣貞觀元年省

樂蟠

元年析

合水馬嶺

中華池

下武德四年置以縣置

同川

中下本三泉義

寧二年折彭原郡之

彭源

中貞觀三年置四年隸北

洛源

永州五年徙州來治八年

源置武德三年更名

延慶

中本白馬武德六年徙故豐州

方渠

中下神龍三年

州廢民析合水置天寶元年更名

方渠

中下神龍三年

折馬嶺置懷安

下開元十一年括逃

蕃落置

鄜州洛交郡上本上郡天寶元年更名土貢龍鬚席戶

二萬三千四百八十四口十五萬三千七百一十四縣

五  
有府十一曰洛昌龍交葦川五交大同安光洛安銀方杏林脩武安吉有肅戎軍大歷六年置在鄜城

洛交  
緊洛川上三川中華池水黑直羅中武德三年析水洛水所會三川洛交因古

直羅  
城置羅水過下地平直故名甘泉中本伏陸武德元年析洛交置天寶元年更名

坊州中部郡上武德二年析鄜州之中部鄜城置土貢

龍鬚席枲弦麻戶二萬二千四百五十八口十二萬二

百八縣四  
有府五曰杏城仁中部上本內部武德二年里思臣永平安臺中部更名周天和中元皇帝爲敷州刺史置馬坊高祖因以名州有鐵州郭無水

東北七里有上善泉開成二年刺史張怡架水入城以

綺遠汲四年刺史崔駢復增修宜君

上本隸宜州有仁智宮武德七年置

貞觀十七年州廢縣亦省

二十年置玉華宮復置縣隸

雍州宮在北四里鳳凰谷永徽二年廢宮爲玉華寺縣

又省龍朔三年折中部同官復置來屬有鐵

昇平

上天寶十二載析宜君置寶應元年省後復置鄜

城

上唐末以縣置翟州

丹州咸寧郡上本丹陽郡義寧元年析延安郡之義川

汾川咸寧縣置天寶元年更名土貢龍鬚席麝蠟燭戶

萬五千一百五口八萬七千六百二十五縣四

有府五曰宜城

通天同化義川上雲巖中武德元年析義川置

汾川

上有烏仁關

咸寧

延州延安郡中都督府土貢樺皮麝蠟戶萬八千九百

五十四口十萬四十縣十

有府七敦化延川寧戎因城  
塞門延安金明又儀鳳中吐

谷渾部落自涼州內附置二府

閭門膚施上有牢延長

中本

武德二年置以縣置北連州并置義鄉齊明二縣以隸

之貞觀二年州廢省義鄉齊明入延安來屬廣德二年

更臨真

中武德元年隸東夏州

金明

中武德二年析膚施置以縣置北武

州并置開遠全義崇德永安定義五縣貞觀二年

豐林

州廢省開遠全義崇德永安定義入金明來屬

中武德四年僑置雲州及雲中榆林龍泉三縣八年州廢省龍泉入臨真省雲中榆林入豐林東北有合嶺關

**延川**

中武德二年招慰稽胡置基州又安撫使段德操表置義門縣以義門置南平州三年析綏州之城

平置魏平縣四年廢南平州省義門魏平五年更基州曰北基州貞觀八年州廢來屬

因

城武德二年徙治金城鎮更名金城又東境置永州并

置洛盤新昌土塊三縣貞觀四年徙州治洛源及州廢

省洛盤新昌土塊入金

城天寶元年曰敷政

**延昌**

武德二年置北仁州貞觀三年州廢十年以其地置

罷交縣天寶元年

**延水**

中下本安民武德二年析延川置以縣置西和州并置修文桑

原二縣貞觀二年州廢省修文桑原入安民隸北門

基州州廢來屬二十三年曰弘風神龍元年更名門山

上武德三年折汾川置

隸丹州廣德二年來屬

靈州靈武郡大都督府土貢紅藍甘草花蓀蓉代赭白

膠青蟲鵠鶲白羽麝野馬鹿革野豬黃吉莫韓鞞羶庫

利赤檉馬策印鹽黃牛臆戶萬一千四百五十六口五

萬三千一百六十三縣四

有府五曰武略河間靜城鳴沙萬春有朔方軍經略軍黃

河外有豐安定遠新昌

等軍豐寧保寧等城

迴樂

望武德四年析置豐安縣貞觀四年於迴樂境置迴

州以豐安隸迴州十三年州廢省豐安有溫泉

鹽池有特進渠溉田六百頃長慶四年詔開

靈武

上

懷遠

隋九原郡也有鹽池三曰紅桃武平河池

保靜

上本弘靜神龍元年曰

安靜至德元載更名

威州郡中本安樂州初吐谷渾部落自涼州徙於鄯州

不安其居又徙於靈州之境咸亨三年以靈州之故鳴

沙縣地置州以居之至德後沒吐蕃大中三年收復更

名光啓三年徙治涼州鎮爲行州縣二鳴沙

上武德二年置會州

貞觀六年州廢更置環州以大河環曲爲名九年州廢還隸靈州神龍中爲默啜所寇移治故豐安城咸亨三年

年復得溫池

上本隸靈州神龍元年置大中四年來屬有鹽池

雄州在靈州西南百八十里中和元年徙治承天堡爲

行州

警州本定遠城在靈州東北二百里先天二年朔方大

總管郭元振置其後爲上縣隸靈州景福元年靈威節

度使韓遵表爲州

羊馬城幅員十四里信安王禕所築

會州會寧郡上本西會州武德二年以平涼郡之會寧

鎮置貞觀八年以足食故更名栗州是年又更名土貢

駝毛褐野馬革覆鞍氈鹿舌鹿尾戶四千五百九十四

口二萬六千六百六十縣二

有新泉軍開元三年廢爲守捉

會寧

上本涼州

武德二年更名開元四年別置涼川縣九年省有黃河  
堰開元七年刺史安敬忠築以捍河流有河池因雨生

鹽東南有

會寧關

烏蘭

上武德九年置西南有烏蘭關

鹽州五原郡下都督府本鹽川郡唐初沒梁師都武德  
元年僑治靈州貞觀元年州省以縣隸靈州二年師都  
平復置州天寶元年更郡曰五原貞元三年沒吐蕃九  
年復城之土貢鹽山木瓜延牛戶二千九百二十九口  
萬六千六百六十五縣二有府一曰鹽川有保上  
塞軍貞元十九年置五原上有  
州俱  
烏池白池細項  
池四瓦窯池鹽白池上本興寧貞觀元年與州俱  
省二年復置景龍二年更名

夏州朔方郡中都督府土貢羶角弓酥拒霜薺戶九千  
二百一十三口五萬三千一十四縣三有府二曰  
寧朔順化朔方

上本嵒錄貞觀三年更名貞觀七年開延化渠引烏水入庫狄澤溉田二百頃有鹽池二有天柱軍天寶十四載置寶應元年廢長慶四年節度使李祐築烏延宥州臨塞陰河陶子等城于蘆子關北以護塞外有木瓜嶺靜德八年中下貞觀七年隸北開州中下武德六年置八年曰化州十三年州廢寧朔中下武德六年置州廢縣省入朔方五年復置來屬長安二年省開元四年又置九年省其後又置

綏州上郡下本雕陰郡地唐初沒梁師都武德三年以歸民於延州豐林縣僑置六年徙治延川境七年徙治魏平貞觀二年師都平歸治上縣天寶元年更郡名土貢胡女布蠟燭戶萬八百六十七口八萬九千一百一

十二縣五

有府四曰伏洛  
義合萬古大斌

龍泉

中本上縣天寶元年更名延福武德

六年析置北吉州并置歸義洛陽二縣又析置羅州并置石羅關善萬福三縣又析置匡州并置安定源泉二

縣

貞觀二年

綏德

中下武德二年置六年析置雲州并置信義淳義二縣又析置龍州并置

風鄉義良二縣

貞觀二年

城平

中下武德三年置魏州并置安故安泉二縣貞觀二年州廢省

安故安泉西

有魏平關

大斌

中下武德七年徙治魏平城取稽胡懷化文武雜半以名

銀州銀川郡下貞觀二年析綏州之儒林真鄉置土貢

女稽布戶七千六百二口四萬五千五百二十七縣四

儒林

中東北有真鄉

開光

中本隸綏州貞觀

二年置八年隸拓拔

無定河有茹盧水

唐書

州十三年撫寧中下本隸綏州  
州廢來屬貞觀八年來屬

宥州寧朔郡上調露元年於靈夏南境以降突厥置魯  
州麗州舍州塞州依州契州以唐人爲刺史謂之六胡  
州長安四年併爲匡長二州神龍三年置蘭池都督府  
分六州爲縣開元十年復置魯州麗州契州塞州十年  
平康待賓遷其人於河南及江淮十八年復置匡長二  
州二十六年還所遷胡戶置宥州及延恩等縣其後僑  
治經略軍至德二載更郡曰懷德乾元元年復故名寶

應後廢元和九年於經略軍復置距故州東北三百里

十五年徙治長澤爲吐蕃所破長慶四年節度使李祐

復奏置土貢鎮戶七千八十三口三萬二千六百五十

二縣二延恩

中開元二十六年以故匡州地置又以故塞門縣地置懷德縣以故蘭州之長泉縣地置歸仁縣寶應後皆省元和九年復置延恩長澤中

有經略軍在榆多勒城天寶中王忠嗣奏置

長澤下

本隸夏州貞觀七年置長州十三年州廢  
隸夏州元和十五年來屬有胡洛鹽池

麟州新秦郡下都督府開元十二年析勝州之連谷銀  
城置十四年廢天寶元年復置土貢青他鹿角戶二千

四百二十八口萬九百三縣三新秦

中開元二年置七年又置鐵麟縣十

四年州廢皆省天寶元年復置新秦連谷

中下貞觀八年以隋連谷戍置銀城

中下貞觀二年置四年

年隸銀州八

勝州榆林郡下都督府武德中沒梁師都師都平復置

土貢胡布青他鹿角芍藥徐長卿戶四千一百八十七

口二萬九百五十二縣二

有義

榆林

中下有隋故榆林勇軍宮東有榆林關貞

觀十三年置河濱

中下貞觀三年置以縣置雲州四年曰威州八年州廢來屬東北有河濱關貞觀七

置年

豐州九原郡下都督府貞觀四年以降突厥戶置不領

縣十一年州廢地入靈州二十三年復置土貢白麥印

鹽野馬胯革駝毛褐羶戶二千八百一十三口九千六

百四十一縣二九原

中下永徽四年置有陵陽渠建中三年浚之以溉田置屯尋棄之有

咸應永清二渠貞元中刺史李景略開溉田數百頃

永豐元年別置豐安縣天寶

末東受降城

景雲三年朔方軍總管張仁愿築三受降城寶歷元年振武節度使張惟清以東城

濱河徙置綏遠烽南中受降城

有拂雲堆祠接靈州境有關元和九年置又有積塞軍本可敦城天

寶八載置十二載廢西二百里大同川有天德軍大同

川之西有天安軍皆天寶十二載置天德軍乾元後徙

光永濟柵故大同城也元和九年宰相李吉甫奏修復舊城北有安樂戍西受降城爲河所

圮十年總管張說於城東別

置新城北三百里有鶴鶴泉

單于大都護府本雲中都護府龍朔三年置麟德元年更名土貢胡女布野馬跨革戶二千一百五十五口六千八百七十七縣一金河中天寶四年置本後魏道武所都有雲伽關後廢太和四年復

置

安北大都護府本燕然都護府龍朔三年曰瀚海都督府總章二年更名開元二年治中受降城十年徙治豐

勝二州之境十二年徙治天德軍土貢野馬駒革戶二

千六口七千四百九十八縣二陰山上天寶元年置通濟上

鎮北大都護府土貢犛牛尾縣二大同上長寧上

右關內採訪使以京官領

唐書卷三十七

唐書卷三十七考證

地理志一關內道商州○舊書屬山南西道

岐山注省上宜入岐山○臣酉按上宜入岐陽山字誤

渭州○舊書無又武州威州雄州警州舊書亦無

單于大都護府○舊書屬河南道

唐書卷三十七考證

欽定四庫全書

舊要卷五千一百六十九

史部

唐書卷三十八

宋 翰 林 學 士 歐 陽 修 撰

志第二十八

地理志

河南道蓋古豫充青徐之域漢河南弘農潁川汝南陳留沛泰山濟陰濟南東萊齊山陽東海琅邪北海千乘東郡及梁楚魯東平城陽淮陽菑川高密泗水等國暨

平原渤海九江之境洛陝負河而北爲實沈分負河而南號汝許及新鄭之地爲鶴火分鄭汴陳蔡潁爲壽星分宋亳徐宿鄆曹濮爲大火分兗海沂泗爲降婁分青澑密登萊齊棣爲玄枵分滑爲娵訾分濛爲星紀分爲府一州二十九縣百九十六其名山三嶠少室砥柱蒙澤嵩高泰山其大川伊洛汝潁沂泗淮濟厥賦絹純綿布厥貢絲布葛席埏埴盎缶

東都隋置武德四年廢貞觀六年號洛陽宮顯慶二年

曰東都光宅元年曰神都神龍元年復爲東都

皇城長千八百

年曰東京上元二年罷京肅宗元年復爲東都

皇城長一千八百一十七步廣千三百七十八步周四千九百三十步其崇三丈七尺曲折以象南宮垣名曰太微城宮城在皇城北長千六百二十步廣八百有五步周四千九百二十一步其崇四丈八尺以象北辰藩衛曰紫微城武后號太初宮上陽宮在禁苑之東東接皇城之西南隅上元中置高宗之季常居以聽政都城前直伊闕後據中山左瀍右澗洛水貫其中以象河漢東西五千六百一十步南北五千四百七十步西連苑北自東城而東二千五百四十步周二萬五千五十步其崇丈有八尺武后號曰金城

河南府河南郡本洛州開元元年爲府土貢文綾繒縠

絲葛埏埴蓋缶苟杞黃精美果華酸棗戶十九萬四千

七百四十六口百一十八萬三千九十二縣二十有三  
十

府

九曰武定復梁康城柏林巖邑陽樊王陽永嘉邵南慕善政教肇洛伊陽懷音軼城洛汭郊廓伊川洛泉通谷

賴源宜陽金谷王屋成臯夏邑原邑原城鶴臺函谷千秋同軌錢濟溫城具茨寶圖釣臺承雲軒轅河南赤堦拱四年析河南洛陽置永昌縣永昌元年更河南

曰合宮長安二年省永昌神龍元年復曰河南二年又

曰合宮唐隆元年復故名有洛渭新潭大足元年開以置租船龍門山東抵天津有伊水石堰天寶十載尹裴

迴置有瀍水避武宗名洛陽赤天授三年析洛陽永昌曰吉水宣宗立復故名

昌唐隆二年復故名偃師道迂自縣東山下開新道通

龍二年更洛陽曰永畿天寶七載尹韋濟以北坡

孝義橋西北有故

鞏畿有洛

次赤貞觀十八年省  
上元二年復置有恭

富平津河陽故關

鞏口倉

緜氏

北有伊闕故關有

陵有和陵在太平山本慎來山天

陽城畿武德四年王

祐元年更名東南有轆轤故關

陽城世充僞令王雄

來降以陽城嵩陽陽翟置嵩州又析三縣地置康成縣

貞觀三年州廢省康城萬歲登封元年將封嵩山改陽

城曰告成神龍元年復故名二年復爲告成天祐二年

更名陽邑有測景臺開元十一年詔太史監南宮說刻

石表登封畿本嵩陽貞觀十七年省入陽城永淳元年

焉登封營奉天宮分陽城緜氏復置二年省光宅元

年復置萬歲登封元年更名神龍元年曰嵩陽二年復

曰登封嵩山有中岳祠有少室山有三陽宮聖歷三年

置陸渾畿有鳴臯山

伊闕畿北有伊闕故關有

陸渾山一名方山

新安畿

寧二年以縣置新安郡武德元年曰穀州以熊州之澠  
池隸之并析置東垣縣四年省東垣貞觀元年來屬有

長石澠池畿貞觀元年徙穀州來治西五里有紫桂宮  
山山澠池儀鳳二年置調露二年曰避暑宮永淳元年  
曰芳桂宮弘道元年廢福昌畿本宜陽義寧二年以宜陽澠池永  
更宜陽曰富昌因隋宮爲名四年以洛州之壽安隸之  
貞觀元年州廢以福昌永寧二縣隸穀州六年徙穀州  
來治八年以號州之長水隸之顯慶二年州廢以福昌  
永寧長水來屬西十七里有蘭昌宮有故隋福昌宮顯  
慶三年復置長水畿本長澗隸弘農郡義寧元年更名  
有女几山武德元年隸虢州貞觀八年隸穀州  
顯慶二年來屬有錫西有高門關松陽故關鶴鳩故關  
二年以永寧嶠置函州八年州廢以永寧隸熊州嶠隸  
陝州西五里有崎岫宮西三十三里有蘭峯宮皆顯慶  
三年置壽安畿初隸穀州貞觀九年來屬西一十九里有  
連昌宮顯慶三年置西南四十里萬安山有

興泰宮長安四年置并析置泰興縣  
神龍二年省有錦屏山武后所名  
密縣置密州并置

零水洧源二縣四年州廢省零水洧源  
以密隸鄭州龍朔二年來屬有羽山  
河清畿本大基

置隸懷州八年省咸亨四年析河南洛陽新安王屋濟

昌

三年

隸

孟

州

尋

還

屬

後

廢

咸

通

中

復

置

有

柏

崖

倉

潁

陽

畿

本

武

林

載

初

元

年

析

陸

十五

年

更

名

西

北

有

大

谷

故

關

伊

陽

畿

先

天

元

年

析

陸

倚

箔

山

有

鍾

乳

貞

觀

七

年

采

伊

陽

畿

先

天

元

年

析

陸

有

銀

銅

錫

伊

王

屋

畿

元

德

元

年

更

名

邵

伯

隸

邵

州

貞

觀

元

水

有

金

汝州臨汝郡雄本伊州襄城郡貞觀八年更州名天寶  
有王屋山

元年更郡名土貢純戶六萬九千三百七十四口二十

七萬三千七百五十六縣七

有府四曰龍興  
魯陽梁川鄭城梁望本承  
休又有

梁縣在西南四十五里貞觀元年省梁更承休曰梁西南五十里有溫湯可以熟米又有黃女湯高宗置溫泉

頓有石樓緊上王世充置魯州武德四年廢山永仁山郊城魯山俄以魯山濱陽復置魯州貞觀

九年州廢省濱陽以魯山來葉緊本隸許州武德四年屬有堯山有銀有漢故關

以縣置葉州五年州廢

隸北澧州貞觀八年隸魯州州廢隸許州開元二年以葉襄城及唐州之方城豫州之西平許州之舞陽置仙

州二十六年州廢縣還故屬未幾以葉來屬大歷四年復以葉襄城置仙州又析置仙鳧縣以許州之舞陽蔡

州之西平唐州之方城隸之五年州廢省仙鳧餘縣皆還故屬有黃城山白石山襄城望武德元年以

縣置汝州并置汝墳期城二縣貞觀元年州廢省汝墳期城以襄城隸許州開元二十七年來屬二十八年還  
隸許州天寶上本湍陽武德四年置貞觀元年省  
七載復來屬龍興證聖元年析陝城魯山復置曰武興  
神龍元年更名臨汝上先天元年置有清暑宮  
中興尋又更名臨汝在鳴臯山南貞觀中置

右都畿採訪使治東都城內

陝州陝郡大都督府雄本弘農郡義寧元年置武德元  
年曰陝州三年兼置南韓州四年廢南韓州天寶元年  
更郡名天祐元年爲興唐府縣次畿赤良帝初復故土  
貢麌麥桔蔓柏實戶三萬九百五十八口十七萬二百

三十八縣六

府十五

曰曹陽崇樂華望安城桃林夏臺

萬歲安戎

河北忠孝上陽底柱夏川望陝

古亭

陝

望有大陽故關即茅津

一曰陝

津貞觀十一年造浮梁有南北利人渠南渠貞觀十一年太宗東幸

使武侯將軍丘行恭開有陝城宮有廣濟渠

武德元年陝東道大行臺金部郎中長孫操所開引水入城以代

井汲有太原夾石

上本

崎義寧二年省武德元年復置

倉有峴山

峩石

貞觀十

四年移治峩石塢因更名有

底柱山山有三門河所經太宗勒銘有繡嶺宮顯

慶三年置東有神雀臺天寶二年以赤雀見置

望本桃林義寧元年隸號郡武德元年來屬天寶元年

獲寶符于縣南古函谷關因更名有湊津義寧元年置

關貞觀元年廢關置津

夏望本隸虞州貞觀十七年隸

有桃源宮武德元年置

夏望本隸蒲州貞觀元年來屬天

絳州乾元三年復來屬

平陸

望本

河北隸蒲州貞觀元年來屬天

寶元年太守李齊物開三門以利漕

運得古刃有篆文曰平陸因更名三門西有鹽倉東有集津倉有瑟瑟穴有銀穴三十四銅穴四十八在覆釜

三錐五岡

分雲等山

虢州弘農郡雄本號郡治盧氏義寧元年析隋弘農郡三縣置貞觀八年徙治弘農天寶元年更郡名土貢絕瓦硯麝地骨皮梨戶二萬八千二百四十九口八萬八

千八百四十五縣六

有府四曰鼎湖弘農郡義寧元年全節金明開方

弘農

緊本隋弘農郡義寧元年

曰鳳林領弘農閨鄉湖城武德元年曰鼎州因鼎湖爲名貞觀八年州廢縣皆來屬神龍初避孝敬皇帝諱曰恒農開元十六年復故名南七里有渠唐貞觀元年令元伯武引水北流入城閨鄉年來屬有

潼關大谷關武德二年廢有鳳陵關貞觀元年廢有軒遊宮故隋別院宮咸亨五年更名湖城寧元年置乾元三年更名天平大歷四年復舊有故隋上陽宮貞觀初置咸亨元年廢縣東故道濱河不井汲馬多渴死天寶八載館驛使御史中丞宋渾開新路自稠桑西由晉王斜有熊耳山覆釜山一名荆山朱陽上龍朔元年隸商州萬歲通天二年謫洛州後來屬有鐵玉城上義寧元年置盧氏上武德元年置南有朱陽關武德八年廢

滑州靈昌郡望本東郡天寶元年更名土貢方紋綾紗絹簾席酸棗人戶七萬一千九百八十三口四十二萬二千七百九縣七有宜義軍大歷七年置本永平十四年徙光蔡州興元元年復還貞元元

年曰義成軍光

白馬

望

衛南

緊

匡城

望有長垣縣  
貞觀八年省

韋城

啟二年更名

白馬

望

衛南

緊

匡城

望有長垣縣  
貞觀八年省

韋城

望王世充置燕州僞刺史單宗來降復爲縣

胙城

緊武德二年置胙州并置

胙城

四年州廢省南燕

以胙城來屬酸棗

望本隸東梁州武德三年析酸棗胙城

置守節縣四年省

貞觀八年州廢來屬

靈

州

昌

緊王世充置興

州

平廢

鄭州滎陽郡雄武德四年置治虎牢城貞觀七年徙治

管城土貢絹龍莎戶七萬六千六百九十四口三十六

管城

望武德四年以管城中

原武陽武新鄭置管

萬七千八百八十一縣七管城

望武德四年以管城中

原武陽武新鄭置管

州并置須水清池二縣貞觀元年州廢省須水清池以

管城原武陽武新鄭來屬有僕射陂後魏孝文帝賜僕

州并置須水清池二縣貞觀元年州廢省須水清池以

次三日車金書

唐書

七

射李冲因以爲名天寶六榮陽上天授二年析置武泰載更名廣仁池禁漁採縣隸洛州尋省更榮陽

曰泰武萬歲通天元年復爲榮陽又別置武泰縣二年省更榮陽曰武泰神龍元年復故名二年來屬

澤望原武緊本原陵唐初陽武望本原武城新鄭望中

更名復漢舊

武德四年置

新鄭

望

中

牟緊本圃田武德三年更名以縣置牟州四年州廢隸管州貞觀元年隸汴州龍朔二年來屬

潁州汝陰郡上本信州武德四年置六年更名土貢絕

綿糟白魚戶三萬七百七口二十萬二千八百九十縣

四汝陰緊武德初有永安高唐永樂清丘潁陽等縣六年省永安高唐永樂貞觀元年省清丘潁陽皆

入汝陰南三十五里有椒陂塘引潤水潁上上下蔡武溉田二百頃永徽中刺史柳寶積修

德四年置渦州八年州廢西北百二十里有大崇陂八十里有雞陂六十里有黃陂東北八十里有渭陂皆隋末廢唐復之沈丘中本邠州領沈丘宛丘唐初州廢以沈丘數百頃沈丘宛丘隸陳州沈丘來屬後省沈丘入

汝陰神龍二年復置

許州潁川郡望土貢絹藨蓆柿戶七萬三千三百四十

七口四十八萬七千八百六十四縣九長社

望本潁川隸汴州武

德四年更名來屬州又領黃臺隱彊二縣貞觀元年省入焉繞州郭有堤塘百八十里節度使高瑀立以溉田

長葛

緊有小徑山

陽翟

本畿

初隸嵩州貞觀元年來屬龍朔

二年隸洛州會昌三年復來屬有具

茨山

許昌

上

鄖陵

上

扶溝

望武德四年以縣置

北

臨潁

上

貞

陳州是年州廢隸洧川

觀元年省繁昌縣入焉有講武臺本尚書臺馬融講書之地顯慶二年高宗大閱于此更名舞陽

上本

北舞隸道州貞觀元年來屬尋廢開元四年復置更有鐵

郾城

望武德四年以郾城邵陵北舞西平

置道州貞觀元年州廢省邵陵西平入郾城隸蔡州建中二年以郾城臨潁陳州之溵水置溵州貞元二年州

廢縣還故屬元和十二年復以郾城上蔡西平遂平置溵州長慶元年州廢縣還隸蔡州是年以郾城來屬

陳州淮陽郡上土貢絹戶六萬六千四百四十二口四十萬二千四百八十六縣六

有忠武軍貞元元年置于許州天復元年徙屯宛

丘

緊武德元年析置太康

緊貞觀元年省扶樂縣入焉

項城

上武德四年置

以項城鯉陽南頓澣水置沈州并置潁東縣貞觀元年州廢省潁東入項城以澣水來屬澣水

上建中二

年隸潁州興元上武德六年省入項城證聖元年  
二年州廢來屬南頓復置曰光武以縣有光武祠名景  
雲元年西華上武德元年更名箕城貞觀元年省入宛  
復故名丘長壽元年復置曰武城神龍元年又曰  
箕城景雲元年復故名有鄧門廢陂

神龍中令張餘慶復開引頽水溉田

蔡州汝南郡緊本豫州寶應元年更名土貢珉玉綦子  
四窠雲花龜甲雙距溪鷺等綾戶八萬七千六十一口

四十六萬二百五縣十汝陽

緊貞元七年析汝陽朗山  
上蔡吳房置汝南縣元和

十三年省朗山

上本隸北朗州貞觀元年  
元年隸蔡州

遂平

上本吳房貞觀元年省八年復置元和十年

二年更名權隸唐州長慶元年復來屬

上蔡

緊中武德四年以新蔡  
襄信舒城置舒州貞

觀元年州廢省

上武德四年以縣

舒城入沈丘

襄信更曰包字新息

置息州并置淮川

長陵二縣貞觀元年州廢省淮川入

真陽長陵入襄信  
以新息來屬有珉玉

坑歲出貢玉西北

五十里有隋故

玉梁渠開元中令薛務

增濬溉田三千餘頃  
上載初元年曰淮陽

真陽

神龍元年復故名

平輿

上武德初置

中王世充置興州武德七年州廢貞

觀元年省入新蔡天授二年復置

西平

上武德初置

天授二年分郾城復置

尋又廢

開元四年復置

汴州陳留郡雄武德四年以鄭州之浚儀開封滑州之

封丘置土貢絹戶十萬九千八百七十六口五十七萬

七千五百七縣六

有宣武軍建中二年置浚儀望故縣于宋州興元元年徙屯陁李密

縣民王要漢率豪族置縣自爲令高祖因之復置汴州并置小黃新里二縣貞觀元年省二縣開封貞觀元年省入浚儀延和元年折浚儀尉氏復置有湛渠載初元年引汴注白溝以通曹充賦租有福源池本蓮池天寶六載尉氏望本隸潁川郡王世充置尉州武德更名禁漁採尉氏四年廢以尉氏扶溝鄢陵置洧州并置康陰新汲宛陵歸化四縣貞觀元年州廢省康陰宛陵新汲歸化以扶溝鄢陵隸許州尉氏來屬封丘緊雍丘望本隸梁郡武德四年以雍丘陳留圍城襄邑外黃濟陽置杞州貞觀元年州廢省濟陽圍城外黃以襄邑隸宋陳留緊武德四年置有觀省陝貞觀州雍丘陳留來屬陳留十年令劉雅決水溉田百頃宋州睢陽郡望本梁郡天寶元年更名土貢絹戶十二萬四千二百六十八口八十九萬七千四十一縣十宋

城望襄邑

望本隸杞州貞觀九年來屬

寧陵

緊

下邑

上

穀熟

上隋末

縣民劉

繼叔據之武德二年置南  
穀州授以刺史四年州廢

楚丘

緊

柘城

緊貞觀元年省

入寧陵穀熟永

朱全忠

以碭山虞城單父單

淳元年碭山

上光化二年朱全忠以

曹州之成武表置

輝州二年置崇德軍

單

入寧陵穀熟永

朱全忠

以碭山虞城單父單

父徙輝州來治虞城

上武德四年置東

虞州五年州廢

亳州譙郡望本譙州貞觀八年更名土貢絹戶八萬八

千九百六十口六十七萬五千一百二十一縣七譙

緊

鄆上本隸沛郡武城父上王世充置成州世充平廢武

德四年來屬

德三年於魯丘堡置文州并置

藥城縣四年州廢爲文城縣七年

入城父天祐二年更名焦夷

鹿邑

上大業十三年

縣民田黑社盜

據號渴州武德三

真源

望本谷陽乾封元年更名載初

年來降復爲縣

天寶二年曰太清

永城

上本山桑

天寶元年

源有老子祠又有洞霄宮先天太后祠也

蒙城

上本山桑

名更

徐州彭城郡繫土貢雙絲綾絹綿紬布刀錯紫石戶六

萬五千一百七十口四十七萬八千六百七十六縣七

彭城

望丘

蕭

豐

沛

上武德五年置

滕

宿遷

上本宿預隸泗州寶

應元年更名來屬下邳

上武德四年以下邳

鄭良城置邳州貞觀元年州廢省

良城以下邳隸泗州

又省泗州之淮陽入焉元和四年來屬

泗州臨淮郡上本下邳郡治宿預開元二十三年徙治

臨淮天寶元年更郡名土貢錦貲布戶三萬七千五百

二十六口二十萬五千九百五十九縣四臨淮緊長安四年析

徐城 漣水上武德四年以縣置漣州并置金城縣貞觀置

楚州咸亨五年復故有新漕渠南通淮垂拱四年開以通海沂密等州

盱眙緊武德四年以縣置西楚

州八年州廢隸楚州光宅初曰建中後復故名建中二年來屬有直河大極元年勅使魏景清引淮水至黃土

岡以通徐城中

揚州

濠州鍾離郡上濠字初作豪元和三年改從濠土貢絕

綿絲布雲母戶二萬一千八百六十四口十三萬八千

三百六十一縣三鍾離

緊武德七年省塗山縣入焉南  
有故千人塘乾封中脩以溉田

山定遠

緊本臨豪武德三年更名

招義

上本化明武德二年析置  
睢陵縣三年更化明曰招

義四年省睢陵大業末縣民馬簿盜據號化州後楊益

德殺簿自號刺史又置濟陰縣是年來降貞觀元年廢

化州

省

濟陰

宿州上元和四年析徐州之符離蘄泗州之虹置太和  
三年州廢七年復置初治虹後徙治符離土貢絹縣四

符離

武德四年置貞觀元年省徐州之諸陽入焉有西  
山一曰石城東北九十里有隋故牌湖堤灌田

五百餘頃顯 虹 中本夏丘武德四年以夏丘穀陽置仁慶中復修 虹州又析夏丘置虹及龍亢二縣六年省夏丘貞觀八年州廢省龍亢以虹隸泗州穀陽隸北譙州有銅有廣濟新渠開元二十七年採訪使齊澣開自虹至淮陰北十八里入淮以便漕運既成湍急不可行遂廢 蕺 上顯慶元年臨渙緊德四年以臨渙永城山桑蘄置北譙州貞觀八年增領穀陽十七年州廢以臨渙永城山桑隸亳州穀陽蘄隸徐州元和後來屬

鄆州東平郡緊本治鄆城貞觀八年徙治須昌土貢絹防風戶八萬三千四十八口五十萬一千五百九縣九須昌望貞觀八年省宿城縣入焉景龍三年復置宿城縣貞元四年曰東平太和四年曰天平六年省入

**須壽張**

緊武德四年以縣置壽州并置壽良縣五年州廢省壽良以壽張來屬有刀染山

**鄆城**

**緊天祐二年曰萬安**

**鉅野**

望武德四年以縣置麟州五年州廢隸鄆州

貞觀元年省乘丘縣入焉後隸戴

**州州廢盧**

緊本濟州武德四年析東平郡置隋曰濟北郡

天寶元年更名濟陽郡領盧平陰長清東

**阿陽穀范六縣**

又置昌城濟北穀城孝感冀丘美政六年省美政孝感穀城冀丘昌城八年以范隸濮州

**貞觀元年省濟北天寶十三載郡廢以長清隸濟州**

以盧平陰東阿陽穀來屬北有磧礮津故關平陰

**緊太和六年省入盧東阿**

緊上本平開成二年復置有龍山

**東阿**

緊陽穀上中都上本平

**開成二年復置有龍山**

陸隸充

**齊州濟南郡上本齊郡天寶元年更名臨淄五載又更貞元十四年來屬**

**齊州濟南郡上本齊郡天寶元年更名臨淄五載又更貞元十四年來屬**

名土貢絲葛絹綿防風滑石雲母戶六萬二千四百八

十五口三十六萬五千九百七十二縣六歷城

上有華不注山

鐵章丘

上武德二年縣民李義滿以縣來降於平陵置譚州并置平陵縣以章丘亭山營城臨邑隸之

八年省營城入平陵又領臨濟鄆平貞觀元年州廢以平城亭山章丘臨邑臨濟來屬鄆平隸淄州十七年齊

王祐反平陵人不從因更名全節元和十五年省全節入歷城省亭山入章丘有大胡山長白山臨邑

上元和十三年折德州之安德置歸化縣隸德州太和二年來屬四年省入臨邑北有鹿角故關臨濟

上武德元年以臨濟鄆平長山高苑滄州之蒲臺置鄆州八年州廢以長山高苑蒲臺隸淄州長清中

隸濟州貞觀十七年來屬武德元年折置山莊縣天寶元年曰豐齊元和十年省有牛山西南有四口闕武德

中廢禹城上本祝阿貞觀元年省源陽縣入焉天寶元年更名

曹州濟陰郡上土貢絹綿大蛇粟蕡廬戶十萬三百五

十二口七十一萬六千八百四十八縣六濟陰

緊武德四年析

置蒙澤縣貞觀元年及定陶省入焉考城

上武德四年以縣置東梁州五年州廢來屬元和十四年權隸

宋州尋復故宛句

上武德四年析置濟陽縣隸杞州貞觀元年省

乘氏

上武德四年置晉陽縣尋

省南華

上本離狐天寶元年更名成武

緊武德四年以成武及宋州之單父楚丘置戴州并置高

鄉鑿城二縣尋省高鄉鑿城入單父貞觀十七年州廢以成武來屬光化二年朱全忠表縣隸輝州

濮州濮陽郡上武德四年置土貢絹大戶五萬七千七

百八十二口四十萬六百四十八縣五鄆城

緊武德四年析置永

定縣八年省

濮陽緊武德四年析置昆吾縣八年省

范上武德二年以靈津關

濮陽緊武德四年析置范上武德二年以

北有靈津關

濮陽緊武德四年析置范上武德二年以

五年以

州廢隸濟州

貞雷澤上武德四年析置臨濮緊武德四年

八年來屬

雷澤上武德四年析置臨濮緊武德四年

八年來屬

雷澤上武德四年析置臨濮緊武德四年

八年來屬

置并置長城

安丘二五年省長城安丘二

青州北海郡望土貢仙紋綾絲棗紅藍紫草戶七萬三

千一百四十八口四十萬二千七百四縣七益都

望臨

千一百四十八口四十萬二千七百四縣七益都

望臨

淄緊武德八年省時水縣入焉

千乘緊武德二年以千乘博昌壽光

置乘州并置新河縣六年省新

河八年州廢縣來屬

博昌上武德八年省樂安安

壽光緊武德二年置臨

平二縣入焉有靈山

朐

上武德五年置八北海

緊唐初營丘民汲嗣率鄉人  
年省般陽縣入焉拒賊權置杞州武德二年復

爲營丘縣是年以北海營丘下密置濰州又置連永平  
壽華池城都東陽寒水訾亭離水汶陽膠東華安昌安

城平十三縣六年皆省八年州廢省營丘下密入北海  
來屬長安中令竇琰於故營丘城東北穿渠引白浪水

曲折三十里以

溉田號竇公渠

淄州淄川郡上武德元年析齊州之淄川置土貢防風

理石戶四萬二千七百三十七口二十三萬三千八百

二十一縣四淄川

上武德元年析置長山

上高苑景

白縣六年省有鐵

上高苑景

龍元年析置濟陽縣元和鄒平

上武德

十五年省南有八會津

上武德

登州東牟郡中都督府如意元年以萊州之牟平黃文

登置神龍三年徙治蓬萊土貢貲布水葱席石器文蛤

牛黃戶二萬二千二百九十八口十萬八千九縣四有

海軍亦曰蓬萊本黃神龍三年更東牟守捉蓬萊名有銀山龍山

牟平

中武德四年以牟平黃置牟州

六年以登州之觀陽隸萊州麟德元年析文登復置牟平來屬有之栗山

文登

武德四年置登州以東萊

郡之觀陽隸之六年析置清陽廓定二縣及州廢省清陽廓定以文登來屬有成山黃

中先天元年析蓬萊

別置有

萊山

萊州東萊郡中土貢貲布水葱席石器文蛤牛黃戶二

萬六千九百九十八口十七萬一千五百一十六縣四

有東萊守捉亦曰團結營又掖上貞觀元年省曲城當  
有蓬萊鎮兵亦曰挽彊兵利曲臺三縣入焉有東

海祠有鹽井二昌陽上貞觀元年省盧鄉縣入焉有銀有鐵膠

東百四十里有黃銀坑貞觀初得之膠

水東縣入焉有鹽即墨

中有馬山中祠山女姑山東南有堰貞觀十年令仇源築

以防淮涉

水有鹽

棣州樂安郡上武德四年析滄州之陽信滴河樂陵厭  
次置八年州廢縣還隸滄州貞觀十七年復以滄州之  
厭次德州之滴河陽信置土貢絹戶三萬九千一百五

十口二十三萬八千一百五十九縣五獻次

上貞觀元年隸德州

滴河

中貞觀元年隸德州

陽信

望貞觀元年省八年復置

蒲臺

緊本隸淄州貞觀六年省入高

苑七年復置景龍元年來屬

渤海

緊垂拱四年折蒲臺獻次置有鹽

兗州魯郡上都督府土貢鏡花綾雙距綾絹雲母防風

紫石戶八萬七千九百八十七口五十八萬六百八縣  
十瑕丘

上曲阜

緊貞觀元年省八年復置乾封

上本博城武德五年以博城梁父羸置東

泰州并置肥城岱二縣貞觀元年州廢省梁父羸肥城岱入博城來屬乾封元年更名乾封總章元年又曰博城神龍元年復曰乾封有泰山有東嶽祠有梁父山亭山奕奕山云云山社首山肅然山石間山萬里山

泗水

上  
鄂  
山

上有任城  
緊

龕丘

中

金鄉

望武德四年以金  
鄉方輿置金州五

年州廢縣隸戴州徙戴州來治仍折金鄉置昌邑縣八年省昌邑貞觀元年以單父楚丘隸宋州成武隸曹州

鉅野隸

魚臺

上本方輿寶應元年更名元和十四年權隸徐州尋復故

萊蕪

中本隸淄州武

德六年省入博城長安四年以廢羸縣復置元和十五年省入乾封太和元年復置有鐵冶十三有銅冶十八

銅坑四有錫西北十五里有普濟渠開元六年令趙建威開

海州東海郡上土貢綾楚布紫菜戶二萬八千五百四

十九口十八萬四千九縣四朐山

上武德四年析州境置龍沮曲陽利城厚

丘新樂五縣六年改新樂曰祝其八年省龍沮曲陽入朐山利城祝其入懷仁厚丘入沐陽東二十里有永安

堤北接山環城長七里以捍海  
潮開元十四年刺史杜令昭築東海  
石城贛榆三縣八年州廢省并置青山  
青山石城贛榆以東海來屬沐陽中總章元年隸泗  
仁中

沂州琅邪郡上土貢紫石鍾乳戶三萬三千五百一十  
口十九萬五千七百三十七縣五臨沂上武德四年析  
樂三縣六費上貞觀元年省置蘭山臨沂昌  
年皆省額吏縣入焉永上本蘭陵武德四年以  
陵鄆城二縣貞觀元年州廢省蘭陵鄆城以永  
來屬有鐵有陂十三畜水溉田皆貞觀以來築沂水上  
德五年以沂水新泰莒置莒州貞觀八年州廢以莒隸  
密州沂水新泰來屬有銅有沂山龍山北有穆陵關

新泰

上有  
蒙山

密州高密郡上土貢貲布海蛤牛黃戶二萬八千二百

九十二口十四萬六千五百二十四縣四諸城

上有輔鹽

唐

上本安丘武德六年省部縣入焉乾元二年更名

高密

上武德三年置六年省膠西縣入焉

鹽

上有

右河南採訪使治汴州

唐書卷三十八

唐書卷三十八考證

地理志二河南道濠州○舊書屬淮南道

唐書卷三十八考證

謹案卷三十七第一頁後一行七千五百四十六

刊本四訛三據隋志改

第二頁後四行凡郡府二百二十有八刊本二百  
訛三百據舊志改

第二頁後六行口四千八百四十四萬刊本四十

訛一十據舊志改

第七頁前五行因古渠會瀾滻刊本古訛石據元  
和郡縣志改

卷三十八第三頁前二行東南有轘轘故關刊本

轘訛軒據後漢書靈帝紀注水經洛水注改

第五頁後一行縣六按下止五縣疑闕其一

第十三頁前一行有刀梁山按史記梁孝王北獮

良山漢書作梁山餘如水經注元和郡縣志宋

史河渠志並云梁山無稱刀梁山者此書刀字  
疑衍



總校官庶吉士臣侍朝

校對官編修臣周厚轍

謄錄監生臣何照隣